

DISSERTATIO
MISCELLA ANATOMICO-PRACTICA
INAUGURALIS
DE
MUTUO INTESTINORUM
INGRESSU,
ET
ALIIS MACHINÆ HUMANÆ
EXTRAORDINARIIS.

QUAM

ANNUENTE DEO TER OPT. MAX.

Ex Auctoritate Magnifici Rectoris,

D. ADRIANI VAN ROYEN,

MEDICINÆ DOCTORIS, EJUSDEMQUE FACULTATIS, UT ET BOTANICES
IN ACAD. LUGD. BAT. PROFESSORIS ORDINARIJ,

NEC NON

Amplissimi SENATUS ACADEMICI Consensu,

& Nobilissimæ FACULTATIS MEDICÆ Decreto,

PRO GRADU DOCTORATUS,

Summisque in MEDICINA Honoribus, & Privilegiis
ritè ac legitimè consequendis,

Eruditorum Examini submittit

CORNELIUS HENRICUS VELSE., Haga Batavus.

Ad diem 21. August. 1742. horâ, locoque solitis.

LUGDUNI BATAVORUM,
Apud JOHANNEM LUZAC, 1742.

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

RECEIVED
JAN 2 1968
LIBRARY

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

DEDICATIO.

*VIRIS REVERENDISSIMIS, CELEBERRI-
MIS, AMPLISSIMIS.*

D. HENRICO VELSE,
SACRORUM IN ECCLESIA HAGANA IN-
TERPRETI, PARENTI SUO.

D. JOANNI FREDERICO
GRONOVIO.

MEDICINÆ DOCTORI. CIVITATIS LEIDA-
NÆ SENATORI. BOTANICES, SCIENTIA-
RUMQUE RELIQUARUM NATURALIUM,
IN PRIMIS STUDIO.

D. ABRAHAMO GRONOVIO,
CELEBRATISSIMÆ ACADEMIÆ HUIUS BI-
BLIOTHECARIO.

D. CAROLO CRUCIO,
J. U. D. CIVITATIS LEIDENSIS SENATORI,
ET SCABINO.

COGNATIS SUIS OMNI HONORE NUN-
QUAM NON VENERANDIS.

D. JOANNI

D. JOANNI NATHANAËLI
LIEBERKUHN.

MEDICINÆ DOCTORI, ACADEMIÆ CÆSA-
REÆ LEOPOLDINÆ NATURÆ CURIOSO-
RUM COLLEGÆ; SOCIETATIS BEROLI-
NENSIS MEMBRO; CHIRURGICIS ALIIS-
QUE MECHANICIS ARTIBUS PRÆCLARO;
AMICO SUO.



gnosce, Summi, atque Nobilissimi Vi-
ri, Nomina Vestra Præclara levi-
densi Opellæ præscribenti. Mea Ve-
recundia, & Vestri Reverentia, au-
dax ejusmodi institutum tantum non
suppresserat, nisi Beneficiorum haud
occultorum grata recordatio, publice
etiam profitenda, fulciret, & ad audendum firmaret.

Vos quippe (namque Te, Optime Parens, pro meritis
ut celebrarem nec Tu velis, nec mea ferat modestia) Vos,
inquam, Gronovii, Par Fratrum Nobile, digna tanti
nominis Soboles, nec scientiarum paternarum avularumque,
quin nec plurium, exsors; Sed & Tu, Carole Cruci, docti
Sanguinis atque generosi per utrumque Parentem hæres
haud degener; Me, cum cujuscunque generis Honoribus
mactatum, tum Studiorum feliciori viâ ductum, & En-
cheiresibus ad investigandas Res Naturales novis instru-
ctum, quin & earundem Supellectile Splendida auctum,
dimittere benigne voluistis: Et poteras hoc Tu, absque ulla
proprii fundi calamitate J. Frederice Gronovi, in cujus sinum
ex cunctis ferme cogniti Orbis terrarum latebris, ne Afri-
câ, ne Americâ quidem, renuentibus, naturæ Curiosum
certatim congerunt, quidquid alibi in Herbis, Plantis,
Mineralibus, Piscibus, similive Studiorum Physicorum
apparatu, rarius, unde curtam aliorum supellectilem, ip-
se semper satis dives, copiose ditare possis.

Tu denique, vir Doctissime, Artifex Dexterrime,
Humanissime J. N. Lieberkuhne, me, nihil tale ambi-
re, vel sperare, ausum, sponte tua suscepisti, fovisti,
& ex multiplici, qua tunc fulgebas Lugduni Batavorum,
ante Jenæ, post apud eruditam Britanniam, nunc deni-
que Berolini, arte Mechanica, Anatomica, Dioptrica,
nonnulla, nec vulgata, Tibi autem longo sumtum, &

*

Ex-

Experimentorum firmate adepta, patefaciendo bear voluisti; inter quæ semper memori mente gratissimus colam admirabilem illam tuam Encheiresin, quâ densissimam quamque vasorum subtilissimorum texturam, & materiâ antisepticâ, cito lapideâ instar indurescenti, ubique continuâ & æquabiliter sparsâ, eleganter adimpleres, & eorundem, nec non Insectorum, partes tenuissimas Microscopis, Tui etiam Artificii, quibus paria sese terere non posse candide fatentur artis Primarii, admirabili digitorum agilitate adaptas.

Tuum autem illud Exemplum, & aliorum Laudatissimorum Juvenum Amicitiam, atque Favorem, mihi conciliavit. Interque eos, vel Fratris tui germani, nec non Istius, cujus Carmen ad me missum simul cum Epistolâ comite, post hæsitationem satis longam & molestam, (dum hinc vetat pudor, & tenuitatis meæ conscientia, illinc jubet, sub spe mea, parabilis nimiorum Encomiorum, ex more per Academias satis vulgato, venia, & Optimi Juvenis seria voluntas) huic Dissertationi subjungo, non ut demonstrem quam Verè, sed quam Benevolè, cecinerit ista & scripserit; quamvis etiam Epistola aliquid etiam boni inter Juniores exempli offerat in promisso, petitoque, mutuo Studiorum Commercio.

Habetis Publice Strictimque, Summi atque Nobilissimi Viri, rationes ausuum meorum præcipuas, quas ut Velitis, precor, tam Benigne excipere, quam sincerè ego Deum T. O. M. Supplex Veneror, ut Vos in Ecclesiæ, Reipublicæ, & Bonorum Omnium Commodum, quibuscunque Gratia Divinæ Documentis abunde Maectatos, diutissime Servet Incolumes; qui me Vobis ad omne genus Officiorum, & in perpetuum, Obstrictissimum, publice profiteor

C. H. VELSE.

D I S.

DISSERTATIO

MISCELLA ANATOMICO-PRACTICA

INAUGURALIS

DE

MUTUO INTESTINORUM

INGRESSU,

ET

ALIIS MACHINÆ HUMANÆ

EXTRAORDINARIIS.

P R O O E M I U M.

De Themate idoneo, Gradum Doctorem jam ambiens, quum meditarer, mox se obtulit tenuis observationum qualiumcunque fasciculus, quas pedetentim ex aliquot discissis Humanis cadaveribus in meos congefferam usus; interque eas, cum quæ spectabant Mutuum Intestinorum Ingressum, tum etiam quæ non nimis vulgaria subministrare videbantur Phænomena. Utrarumque nonnullas, quas cæterum neutiquam tanti facere ausus fuisssem, in publicum emittere sustinui, ad hoc illudve conscribendum Academiæ legibus obstrictus. Et cui bono describerem potius multo præclariora, quam conscriberem tenuiora, ubi totus scopus versatur in specimine saltem nonnullo profectuum Academicorum dando? Dissertationis hujus proinde parte priori pro virili Pathologico-Medicam modo dicti Mutui Intestinorum Ingressûs Historiam sum tractaturus; variarum autem observationum collectionem secundæ ejusdem parti, veluti additamento prioris, dicavi.

A

S. I. Mu-

P A R S P R I M A

D E

MUTUO INTESTINORUM INGRESSU.

§. I.

Descrip-
tio Mutui
Ingressus
Intestino-
rum.

Mutuus Intestinorum Ingressus, sive Intra susceptio Medici dicitur, quum tubi intestinalis pars, in proximam, morbosâ causâ ampliorem factam, partem impulsâ, in eâ absconditur, atque ab eâdem firmiter constringitur; instar digiti cheirothecæ in semet ipsum cum duplicatione retracti, sic per duplicationem illam intus coarctati, a semet ipso constricti, & quodammodo strangulati.

§. I I.

Ejus spe-
cies.

Hunc Intestinorum Affectum (*volvulum* communiter dictum) vocabimus, vel *Perfectum*, si, unâ cum *mesenterii* sibi adhærente parte, *Intestinorum*, portio per omnem ambitum *sui*, subierit proximam; vel *Imperfectum*, si pars tantum *Dorsalis Intestinorum* proximam *Dorsalem* in se receperit, reliquâ eorundem regione, *mesenterio* annexâ, naturaliter adhuc dum explanatâ.

§ I I I.

Ejus im-
probabili-
tas ex fa-
brica In-
testino-
rum pe-
tita.

Multi, inter quos ipse *Theod. Cranen* Vir Eruditissimus, hujusque Universitatis quondam lumen præclarissimum, in *Observ. ad prax. Med. Henr. Regii l. 3. c. 30.*, dubitarunt, an existere queat casus, in quo *partes intestinorum proximæ se invicem ingrederentur*, cum utraque sit alligata suo *mesenterio*; & confitemur nos ultrò, quod mortalium nullus, mirificam eorum cum *mesenterio* cohæSIONem, nec non eorundem lubricitatem ac glabritiem summam, uti & tunicæ *muscularis* eorum fabricam, quo usque hætenus cognita est, legitimè perpendens, a priori ejusmodi affectum possit concipere; imo quod contra eidem exinde haud levis momenti rationes suggerantur, quæ dari talem casum non posse omninò videantur evincere.

§. IV.

§. IV.

Quin, nobis ipsis cadaverum intestina, jam *flaccida*, trahentibus, inque iis morbosam hanc *implicationem* imitari satagentibus, superstes *intestinorum* oleosa humiditas, itemque *mesenterii* crassities, magno fuerunt impedimento, inque causa, ut illa, manuumstrarum ope in iisdem jam producta, *implicatio*, vel sponte, vel levissimo tractu, reduceretur atque evanesceret. In brutorum vero, spirantium adhuc, eductâ hujus fistulæ extra abdomen portione, prorsus incassum idem tentavimus, quum obstaculis prioribus, fibrarum, digitis nunc irritatarum, actio *oscillatoria* superveniens, adeo arctè portionem dictam undique strinxerit, ut ne plicas quidem in ipsa, nedum *partis intra partem immersionem*, formare potuerimus.

Eadem Experimentis captis confirmata.

§. V.

At, quemadmodum ex infinitis, quæ *ἀδύνατα* esse ante, ex intellectâ, quoad fieri poterat, nostri corporis fabricâ, demonstrasse visi nobis fueramus, quæque in corpore nostro fieri tamen omni exceptione majoribus quotidie phænomenis docemur, constat facultates duntaxat quasdam, nequaquam verò omnes, intimæ domicilii nostri naturæ cognitâ nobis haberi, ita nobis *Affectus*, de quo in hoc themate sermo fiet, vera præsentia eandem cognitionis nostræ pauperiem pulcherrimè patefaciet.

Sed Eadem de-structur præsentia verâ mali ipsius.

§. VI.

Istum etenim nonnunquam corpus humanum affligere, testantur Observatores quam plurimi, & fide dignissimi. Ce- lebris *Ruyfchius* immo in *Thef. X. n. 62. familiarissimum* & multo frequentius, quàm creditum antea fuerat, contingentem pronuntiavit, cum quam plurima, imo quatuor (in *adv.*

Mali hujus frequentia.

4. DISSERT. MISCELLA ANATOMICO-PRACTICA

Dec. 3. p. 17.) successive cultro subjecerit cadavera, in quibus omnibus illum re ipsa invenerit. Et multos utique quotidie nostris in civitatibus ex *depravata hacce intestinorum structura*, infantes præsertim, succumbere, vel inde colligere possumus, quod ex mediocri cadaverum, quæ in usus proprios dissecare felicissima hætenus mihi fuit oportunitas, numero, infantilia jam sex variæ ætatis, (quæ tamen non ultra quinquennium excedebat) & unum etiam adultum, eandem mihi comprobatam dederint labem

Quin, quod mireris, refert *Olaus Borrichius*, Medicum quendam ex *Jamaica* reversum, narrasse, malum hoc ibidem, ut *endemium* morbum, grassari, idque ex cadaverum incisionibus sibi oculato patuisse.

Immo nec immunia ab hoc malo ipsa esse bruta, *Mich. Fontanus* in Cattho Zibetho, sive fele Zibethica, spectavit, memorante *Doctissimo Boneto*.

§. V I I.

Per singula Intestina
Malum hoc reperitur.

Intestinorum autem quibuslibet fere regionibus *Intra-suscepio* hæc contingere potest. In intestino enim *Jenuno* illam conspexit summus *Anatomicus Ruysch*. vid. *obs. an. 91*. *Ileum* verò intestinum creberrimam ejusdem sedem, non paucis *Anatomiam Practicam* exercentibus, observationes quam plurimæ, & mihi ipsi singula sex infantium corpora, indicarunt.

At & in ipsa *crassa* *E. neg* id malum incidere posse, docuit semel in *Colo* inventum a *Ruyschio* vid. *adv. Dec. 3. p. 17*. Et mihi ipsi in adulto, proceræ staturæ, vicesimo suæ septimo, vel octavo, ætatis anno denato, homine, *magnus saccus* intestini *Cæci*, ad quadruplicis digiti spatium, supra insertionem finis intestini *Ilei*, ejusdem affectionis primordia exhibuit. Quippe per mediam amplitudinem hujus *sacci* pars, ab *Ileo* remotior, illud versus depressa, se insinuaverat ad profunditatem satis notabilem intra regionem proximam, atque

ab

ab illâ arctè includebatur, dum rite explanatum manserit hujus *sacci* latus oppositum, utpote quod, *Mesocolo* adhærens, insuper cum *Peritonæo* vicino hinc inde membranaceis nexibus, præter modum densis, concreverat; connexio enim ea fortè prohibuit, ne ejus situs turbaretur. Nec est quod ab hac regulâ excipiatur, ipsum intestinum *Rectum*, hujus enim *involutionem* memorat *Bonetus* in *Sepulchr. Anat. de dolore ventr.* p. 270.

Imo, quod plus est, fide dignissimus *F. Hildanus* (in *Observo. Chirurg. 61. Cent. 1.*) affirmat, incredibiliter compositum oblatum sibi esse *Volvulum*, id est, *Intestini ingressum*, ubi *Cæcum* intestinum (per quod in sequentibus observationibus intelligit *saccum capacem*, qui sub principio *Coli*, & fine *Ilei* est) arctè contractum, *ingressum* fuerat intestinum *Ileum*, ita ut *Ileo* fisso demum eximi potuerit.

§. VII.

Est insuper observandum, non semper *simplicem*, sed Idem sæpius in eodem cadavere *multiplicem*, *involutionem* occurrere, sive id fiat variis in intestinis, sive (uti plerumque) in diversis ejusdem intestini plagis. Malum in eodem Cadavere multiplex.

Ita *Duplicem* deprehendit *Blas. Obs. Med. p. 3. Obs. 3.* *Triplicem*, *Peyer* in tr. de *Gland. Int. Ex. I. c. IX.* Uti & ipse in puero quadrimo, non procul a fine intestini *Ilei* in portionibus ejus tribus diversis, spatio lati pollicis disjunctis, observavi totidem *Volvulos*. Sed quatuor, vel quinque, *Kuyfchius* in *Tb. Anat. X. n. 62*; immo septem locis contigisse eosdem alii in *Ephem. Nat. Curios. d. 2. a. viij.* referunt.

§. IX.

Et admiratione summa dignum videtur, in hoc malo in- Ejusdem *testinum* tam profundè intrudi in intestinum posse, ut ad *Mali ad quatuor digitos transversos* penetraverit, teste *Peyero* tr. de *miranda gland. intest. Ex. I. c. IX.*; & portio, quæ vix *sesquipollicem* lon- latitudo.

6 DISSERT. MISCELLA ANATOMICO-PRACTICA.

gitudine æquabat, dum *involuta* esset, post *evolutionem* duos fere *palmos* impleret, docente *Smeth. Misc. lib. 10. p. 579.*

§. X.

Malum
idem &
adscensu
& descen-
su pro-
miscue
sit.

Non desunt doctissimi Viri, qui hanc fovent sententiam, in hoc affectu intestinorum plagam *superiorem* semper fere *destrudi* in proximam *inferiorem*, rariusque, si unquam, contrariam compositionem in cadaveribus obviam venisse, quemadmodum luculentum hujus rei in *Ephem. Nat. Curios. d. 2. a. viij.* experimentum invenire est, ubi *Huner-wolfius* quod *septies* in eodem intestino *ileo* idem priori modo (id est per *Descensum*) contigerit, tabulis æneis repræsentatum nobis reliquit. Verum enim vero & posteriorem speciem, frequenter, & non multo fortasse rarius, accidere magna fidelissimorum Observatorum cohors evidenter pervin- cere videtur; Si quidem *variationem* ejusmodi *susceptionis* *promiscue* fieri, & testatur *Fr. de le Boë Sylvius*, & idem asse- verat *Blasius in Obs.* & *Heerschius in Obs. 24.* & *Ephemerides Nat. Curios. ann. I obs. 126.* delineatione monstrant, quan- quam admodum ruditer; & in intestinis, quæ potius ex ani- malium genere, quàm humano, desumta fuisse videntur, quum illa neutiquam ejusmodi situm in homine obtineant. Nec denique defuit nobis ipsis occasio, semel vel bis ejus- dem posterioris (i. e. cum *adscensu*) *susceptionis* exemplum in cadaveribus repperire.

§. XI.

Ejusdem
facilis ab-
latio; &
coalitus.

Ad hæc de Natura *Intra-susceptionis Intestinorum* quidem est, ut pars *insinuata*, si non perquam profunde intrave- rit amplectentem, facillime post mortem *evolvetur*, vel ipsa levi nonnunquam eorundem contrectatione; quo fortasse evenit, ut Anatomicorum subtiliter haud satis intestina perlustrantium, nec de hoc malo prudenter rimando sem- per cogitantium, conspectum subterfugiat sæpius. Verun-
tamen

tamen Vir in praxi Felicissimus H. OOSTERDYK SCHAGT, Præceptor meus ad rogam usque sincere venerandus, studiorumque meorum Fautor benevolentissimus, expertus etiam in defunctis interdum fuit partium *se mutuo amplectentium coalitum* tenacem post diem ab ortu morbi tertium vel quartum jam natum fuisse.

§. XII.

Semper autem *Ἰνχιπιδίδω*, sive *mesenterii*, portionem *Mesenterii* aliquam, vel largiorem, vel parciorem, in qualibet *intestini* *Volvulo* *stimatorum mutua immissione Perfecta* (§. II.) *intestinum in-* *perfecto* *volutum* sive *intrans* secutam fuisse in cadaveribus depre- *semper* *simul in-* *testinale* *cavum* *intrat.* hendimus; interdum & ipsam, corrugatam, atque in tuber magnum quasi complicatam, multum opplevisse aream in- *testini alterum involventis*, observavimus; ut adeo mirum videatur, Observatores, uno vel altero excepto, hujus *mesentericæ* sequelæ mentionem nullam fecisse, nec ipsum quidem accuratissimum aliàs *Ruyschium* in pulcherrima hujus intestinalis labis delineatione (in *Obs. an.* fig. 74.) Hanc autem sequelam locum minime habere, si tantum *Imperfecta* (§. II.) sive *dorsi* *intestinatorum* (quæ tamen multo rarior) *implicatio* contingat, unicuique sponte patet.

§. XIII.

Ad generationem hujus mali, huc usque explicati, sem- *Volvulo-* *rum Ge-* *nesios* *funda-* *menta ja-* *cere vi-* *detur ir-* *regularis* *spirituum* *motus,* per videtur requiri *inordinata spirituum animalium* per ner- vos in tunicam *intestinatorum propriam extimam*, sive *muscu-* *larem*, distributio; quâ fit, ut fasciculus quivis fibrarum *contractilium*, multum subtilis hujus liquidi recipiens, vali- *dè* constringat portionem *intestini* illam, in quâ ille locatur, vicinus vero minorem vim nervorum expertus, laxiorem quoque manere sinat *intestini* regionem, quæ ipsum sustinet. Et licet *intestinatorum* lacinia sibi invicem adeo propinquæ eidem *nervo* majori suos *nervulos* debeant, ipsas nihilominus *inæqua-*

8 DISSERT. MISCELLA ANATOMICO-PRACTICA

inæqualiter advectos spiritus animales accipere posse, quodammodo innotescit, pro ut putant Physiologi, ex notâ ipsorum nervorum structurâ, non, instar reliquorum vasorum nostri corporis, ramosâ, sed tenerrimis fibrillis, ab origine suâ ex medulloso fonte cerebri ad ingressum in ipsis dicata organa usque, eandem cavitationem reservantibus, compositâ.

§. X I V.

qui producit inæqualem intestinum coarctationem, sæpius in cadaveribus occurrentem.

Ipsam saltem hujus *inæqualis spirituum influxus effectum* verum, id est, *irregularem intestinorum* amplitudinem, Observatores non pauci enarrant, & ipsi in cadaveribus sæpiissime vidimus: Quum *intestinum* hîc laxum, molle, distensile, flaccidum, illic durum, contractum, rugosum, non ulterius digitis coarctandum, nec liquidis esset patulum, sed massam fere referret solidam. *Irregularitatis* autem hujus vitium per totam quidem *intestinorum* longitudinem interdum alternatur, quale, uti in cadavere infantili semel mihi notare licuit; ita etiam simili, multiplici tamen magis, ratione, *intestinorum* segmenta in cuniculi vivi abdomine aperto disposita repperit, & æneis tabulis exsculpta in lucem edidit Doctiss. Alex. Stuart in *Traët de Motu Musculor.* t. 2. fig. 3; Etsi vermicularem motum secundum sanitatem ita, uti vir ille inde collegit, semper procedere, non satis omni ex parte probabile videatur.

Ex quâ inæquali constrictione intestina a contentis suis compactis hinc inde distenduntur in saccos.

§. X V.

Sed, quum *fistula intestinalis* massâ chylosâ, aut excrementitiâ, aut aëriâ, sive hæc cum esculentis & potulentis, sive vi solâ Atmosphæræ per Oesophagum depulsa fuerit, plerumque sit onusta, ab ejusmodi certè *inæquali* constrictione eorum oneris istius contingit promotio versus ampliora loca, quæ itaque inter vicinos quoslibet terminos arctiores intumescunt, &, saccorum speciem nacta, sensim ob calorem loci ab elastico aëre ulterius inflantur; quem-

quemadmodum in puellâ bienni portionem intestini *Coli* adeo violenter amplificatam vidi, ut referret vesicam constantem tunicis ob summam elongationem quam pellucen- tissimis, reliquo ejusdem *intestini* tractu, & supra, & infra hunc tumorem, per summam contractionem extrinsecè ful- cato, & prorsus impervio.

§. XVI.

His (§§. xiii. xiv. xv.) ita contingentibus, pronam ad *mu- tum intestini ingressum* viam sterni, colligere datur ex pulcher- rimo in ranâ vivente *Peyeri* experimento; stimulis vi- delicet ejus intestinis, natisque hinc per diversa loca eorum dilatationibus, iisque onere superius memorato repletis, constrictionibus autem evacuatis, *arctiores* partes in si- num *tumentium* ingressæ fuerunt. Vide sis hæc fusius apud ipsum *Peyer*. *Tr. de Gland. Int. Ex. I. c. IX.*

Quâ ra-
tione jam
volvulus
nasci po-
test.

§. XVII.

Sed ad hæc, dum, inter duos *spasmodicè contractos* fines, intestinum a contentis tantopere expanditur, sævi crucia- tus miserè torquent ægrum, unde ille corpus agitatur, velo- citerque inflectitur; quâ inversione, &, quæ inde oritur, *inæ- quali* abdominis compressione, sæpius repetitis, continge- re potest (juxta Clarissimi *de le Boë Sylvii* sententiam), ut subinde contenta, per *relaxatum* alterutrum intestini *con- tracti* extremum, ulterius pulsa, locum opposito intestini extremo adhuc *coarctato* concedant, sese in cavitatem illam, expulsis, ut dixi, contentis jam vacuum, & satis capacem, insinuandi, atque sic, succedente intra breve tempus ejus- dem cavitatis constrictione violentâ, verum formandi *Volvulum*.

Vel idem
nascitur
detumes-
cente su-
bitò inte-
stinorum
parte tu-
mente.

§. XVIII.

An pars
intestini
constrictior
vi solâ fi-
brarum
muscula-
rium in
laxiorem
attrahi
potest?

Restat dubium, num scilicet ipsa *fistulae* hujus *tumultua-
ria*, & *vario* nisu agens in *diversas* ejusdem portiones, *systole*
solâ, absque modo memoratâ illâ repletione intestinalium
à contentis, aut relaxatione alterius extremi antea contra-
cti, interdum potis sit (quamquam potentia talis ex
structura & actione Mechanica cum *circularium* tum *lon-
gitudinalium* fibrarum intestinalium nostro quidem judicio
hactenus nequaquam sit explananda) has ipsas portiones
jam *varie* coarctatas simul ita loco suo turbare, & in mo-
tus adeo contrarios ciere, ut inde pessimus iste affectus,
intra-susceptio, gignatur? Potem esse vix dubitare sinunt
duo præprimis argumenta, *primum* consideratio compo-
sitionis *Volvulorum*, si plures uno simul in eodem cadave-
re deprehendantur; utpote quæ compositio nonnunquam
hac ratione obtinet, ut (positis v. c. tribus parum diffitis
Volvulis) primus factus esse inveniatur cum *descensu*, secun-
dus contra cum *adscensu*; tertius iterum, ut primus, cum
descensu intestini, nec non *secundo* partium intestina-
lium, inter quolibet ejusmodi *Volvulos* intersitarum, tam
consummata nonnunquam vacuitas, ut ne tantillum quidem
(uti & id repperire mihi contigit) proprii smegmatis vel
succis recondant; quemadmodum & ipse huic sententiæ
jam dedisse suffragium videtur acutissimus Vir *Thom. Wil-
lisius* in *Pathol. cerebri* cap. viij.

§. XIX.

Causæ

remotio-
res *Intra-
susceptio-
nis.*

Huc usque naturam ac formationem proximam *mutui* in-
testinorum *ingressus* pro virili explanavimus; jam *causas*
etiam *remotiores*, quæ eum producere possunt, paucis tra-
dere animus est. Earundem autem *duplicem* classem dari, ac-
curatissimæ summorum Virorum observationes edocue-
runt.

§. XX.

§. X X.

Quarum *priores* intestina ipsa adgrediuntur, & ad ejus- Vel ipsi
modi *irregularem* (quem superius §. xiv. memoravi) *systo-* intestina-
licum statum ea irritando provocant, sive hæ eorundem ca- li cavo
pacitatem angustent aut oppilent, sive ipsos eorundem ner- inhærent.
vos vellicent. Ad has præ primis referenda sunt, *Lumbrici*
numerosi, in glomeres convoluti, atque cum *jugis valvulosis*
Kerkringianis implicati; Vasorum *arteriosorum inflammatio*
gravis, ob resistantiam in *exterioribus* majorem, tumores
præprimis *introrsum* extollens, & sic canali intestinorum
amplitudinem suam detrahens, atque nervos in statum vio-
lentum deducens; Prægressis Colicâ, Leienteriâ, Cholerâ,
Diarrhæâ, vel aliâ evacuatione alvinâ chronicâ, *fæces*, in-
tempestivæ & subito adstrictâ alvo, in corpore restitantes,
accumulatæ, & *morâ acriores factæ*, nervis mole & acri-
monia sua molestæ; Multis rugitibus & murmuribus, ma-
gnam nimis abundantiam materie flatulentæ intra abdo-
men testantibus, accedens *contumaciter cobibendi flatus peri-*
culosa consuetudo; Denique fortasse *acres humores* quivis ner-
vos intestinorum lædentes.

§. X X I.

Alteram classem constituunt, quæ *totum corporis systema* Vel uni-
nervosum afficiendo, *deuteropathice* demum in intestina vires verso Ner-
suas exserunt. Qua ratione puella miserrime feбри acu- vorum
tâ, pariterque motibus *convulsivis*, in artubus primò, mox Systemate
in facie, & subinde in *toto corpore*, sæpius repetitis, tan- violenter
dem interempta, in intestinorum suorum, nullo caeteroquin affiçto
lumbricorum nec *acrium humorum* onere gravidorum, plu- demum
ribus locis verendam hanc *duplicationem* ostendit sum- in intesti-
mè industrio viro *Tb. Willisio*, vid. *Pathol. cerebr. c. viij.* na agunt.
Neque minus notatu dignum fuit exemplum (ex quo si-
mul facilis animi pathematum *nutricis* unâ cum lacte in

lactentem transitus patescit) in puero, qui postquam lac *nutricis perterritæ* haussisset, sedis obstipatione, & vomitibus perpetuis (adhibitis etiam frustra *auri fulminantis* granis duobus) dirissimè interfectus, intestina *eadem labe occlusa* exhibuit indefesso Viro, *Fred. Hofmanno*, in *Med. Rat. Syst. tom. 4 p. 2. Sect. 2. c. IV.*

§. X. X I I.

Eff&us
Intro-
susceptio-
nis mu-
tue.

Ubi autem quacunque de causâ intestinorum portio quævis ab altera *introtracta* fuerit, dira intolerabilia, atque commiseratione dignissima tormenta excitantur;

1., Contentorum intestinalium remora, stagnatio, & coâcervatio; *Emphysema* omnium intestinorum & ventriculî; adeoque ventris intumescencia.

2. Canaliculorum arteriosorum, pariter & venosorum, cum per ipsum *Volvulum*, tum per *reliquas intestinorum regiones*, disseminatorum, partim a *complicatione*, partim a *distractione* & *vellicatione* tunicarum, obturatio. Hinc influxui sanguinis a corde propulsi obstaculum, vasorum eorundem expansio, humorum ibidem congestio, & error in loca aliena; dolor lancinans, productio caloris intensi; unde humorum per reliquum circuitûs spatium motus acceleratur, ardor per universum corpus dispergitur, & id genus alia acutæ febris symptomata efficiuntur. Atque adeo in malo hoc extinctorum cadaveribus *intestina* quæcunque non tantum, sed & universus interdum *ventriculus*, inflammatione ruberrima sunt obsessa; aut jam Sphacelo hinc inde dissoluta. Quamvis & nonnunquam in cadaveribus observaverim, omnem prorsus phlegmones rubedinem, & a loco *mutuæ susceptio- nis* ipso, & a *reliquo intestinorum ductu*, & a *mesenterio uni- verso*, abfuisse.

3. In initio morbi frequens dejectiendi cupiditas, & eum in finem creberrimi cum summâ molestiâ nifus, sed aut ir- riti, aut nonnunquam dejectionem dilutam & cruentam, at parcam, deponentes.

Deinde

Deinde sedes prorsus constipata, ita ut nec Excrementa nec spiritus infra transmittantur, & ægerrime relaxari queat alvus: Tum anxietates circa præcordia, anhelitus, laboriosa respiratio, jactationes continuæ corporis, somni vacuitas, nausea, ructus nihil juvantes, gravissimi vomitus, principio *nuper ingestorum*, & in *ventriculo* adhucdum reservatorum, mox eorum hujus jam *officinæ & intestinorum superiorum* virtutem *assimilatricem* expertorum, & in *Jejuni* finem, vel etiam in *Ileum* depulsum, & colorem odoremque teterrimum jam nactorum; aut & forte *recrementorum* ex intestinis ipsis *crassis* repulsum; *bilis* etiam *æruginea*, aut unâ cum his, aut & frequenter sincera, uberiori copiâ rejicitur.

4. Quibus dum æger conflictatur, vires corporis sui magnopere labefactari & destrui sentit; & omnis earundem recuperandarum aufertur facultas, dum ejectione perpetuâ *Chyli*, atque multorum *inquilinorum* humorum, omnis tollitur nutricatus; donec tandem *Leipothymia*, *λειποθυμία*, & increscente morbi violentiâ, *syncope*, *convulsiones*, & *singultus*, superveniunt, quæ deploratissimos omnibus suis ærumnis eripiant.

§. XXXIII.

Priusquàm verò tristissimorum horum, & ipso visu horribilium effectuum historiam missam faciamus, non incongruum fore videtur nonnullorum in §. præcedenti ad enumerandum *causam efficientem* breviter dilucidare, quæ, in primis consistit in *motu Peristaltico* *intestinarum inverso*, jam *mutatâ* veluti velificatione *cursum suum sursum* inflectente. Secundum enim naturam (ut cuilibet constat) coarctatio eorum a *pyloro ventriculi* inchoata, *deorsum* *intestinum Rectum* versus successivè per partes progreditur, tum ad *Chyli* per *lacteas venas* distributionem, tum ut *crassiores materias* foras depellat. Sed hæc ad *superiora* ratione sequenti reflectitur. *Intestinali* nimirum *fistulâ* alicubi

Nonnullorum Effectuum causa Efficiens est Morus Anti-peristalticus.

cujus origo;

alicubi constanter *clausa*, omnis illa materies, virtute *expultrice* superiorum *intestinalium* partium, *deorsum* usque ad *interjectum* sic *obicem* protrusa, ibi accumulata, & morâ putrefacta, aut ipso *pondere* suo, aut accedente jam sibi *acrimoniâ*, perpetuo quasi stimulo nervos per *fistulam intestinalem* densissime discurrentes ad sui excretionem sollicitat, tamque vehementes ibidem *contractilium fibrarum* creat constrictiones, ut ab iisdem, dum *inferiores* angustias *intestini* vincere non potest, *sursum* retro-pulsa extremo naturæ conatu *superiores* fibras ejus violenter aperiat, atque eas subeat. Ab hisce deinde fibris tantâ vi disjunctis, valida videtur exerceri reactio, quæ denuo *altius* evehit materiem hanc noxiam; hæc autem quascunque deinceps *canalis intestinalis* intraverit regiones de integro eodem modo irritans, videtur sic sui ipsius *regurgitationem* in stomachum promoveri, & motus vermicularis *revolutionem retrogradam* sic & creare & continuare.

ejus vera
Existen-
tia.

Dari enim re verâ motum *anti-peristalticum* non in intestinis *brutorum mactatorum* modo, sed vel in *vivorum* sectionibus, & *in vivo homine* conspexit Vir accuratissimus in observando *Joh. Jacob. Wepferus*, in Tract. *de Cic. aq.* c. XXIV, dum portio *intestinalis*, quæ ab annis nuda extra abdomen hæserat, *sursum* aut *deorsum* movebatur, prout ipse illam vel in superiori vel in inferiori parte leviuscule pungeret. Verum enimvero illum non minus pervictum dederunt Eventus quidam insignes, qualis, inter alios, quem modo laudatus *Wepferus* reliquit, an a vide adeo *suppositorium* arripientis, ac si id a manu intus validè traheretur; quemque, mirabiliorem multo, subministrat, a *Math. de Gradibus* memorata historia puellæ, cui *suppositorium* longum *ano* immisum brevissime vomitu rejectum; & cum alterâ vice simile *ano* inditum ad Coxam filo alligaretur, immo tertium ipsi immisum quatuor filis fortibus retineretur, qualibet vice abruptis filis illud cum adhærentibus extremis filorum intra *intestina* attractum, atque etiam ex *Oesophago* fuit rejectum. Quem, stuporem legentibus incutientem, casum, cui utique fidem habuerunt

Vi-

Viri Eruditissimi R. de Graafius in Tract. de Clyster & D. Sennertus in Pract. l. 3. p. 2. Sect. 2., si quis in dubium revocet, non is saltem negabit, opinor, fidem Galeno, & Aetio, ipsi Diemerbroekio, & aliis Viris fide dignissimis; qui aut Clymata, aut suppositorium emesi reddita viderunt; Quibus adjiciendus est Abellus Roscius Med. Doct., qui in Epist. ad F. Hildan. in Centur. VI. Obs. 70. & 71. proficitur, non tantum se prius phænomenon sæpius notasse in illis, qui herniâ incarceratâ laborabant, sed vel in quodam, in cujus cadavere, præter incarceratum Ramicem, a connatâ spongiosâ mole intestini compressio secunda sibi conspecta fuerit.

His itaque ad animum revocatis, stupenda motûs anti-peristaltici violentia simul innotescit, quum ille, præter Plexus omnes intestini Coli, ejusque situm perpendicularem, & gyros intestinorum gracilium innumeros, nec non præternaturales eorum angustias, etiam superare debeat resistantiam summam, aut totam quoque pessumdare debet structuram, Valvulae Bauhini; quæ liberrimum quidem digestionis residuo, omnibus fere nutritiis succis jam orbato, transitum ex Tenuibus intestinis concedit in Crassa; Verum contra est janitor severus, ne quid ex Crassis in tenuia resiliat. Atque eodem illo officio, ob summam & artificiosissimam Mechanicæ suæ structuræ simplicitatem, vel post mortem adhuc accuratissime fungitur; unde, nec aquam, nec aërem ipsum, ex Colo intestino trans eam in Ileum deferre valemus, uti id vel in Tenuium infantium Cadaveribus experti fuimus aliquoties.

Ubi verò motûs illa peristaltici inversio in intestinis verè jam adest, videtur plerumque omnibus etiam partibus ventriculi easdem turbas inferre; quemadmodum in brutis vivis dissectis fieri Emesin plus simplici vice laudatus Wepferus animadvertit, si ventriculi fibræ omnes Oesophagum versus constringerentur. vid. Tract. de Cic. aq. c. viij; quamvis & nonnunquam ea videtur, superiori duntaxat Ventriculi regione in consensum adductâ, arcum ejusdem majorem, sive fundum sinistram, pacatum relinquere, quemadmodum & hoc probabile reddere videntur quædam circa vomitum insolita

Ejus summa Violentia.

Ejus propagatio in Ventriculum.

insolita phaenomena, quale erat, quòd Clar. *Hofmannus* in *Med. System. Rat. Tom 4. sect. 2. c. iv.* sibi inde exponendum esse ratus fuit, in viro quodam *hernia* magna divexato, qui aliquoties omnia fere, quæ ante tres vel quatuor dies assumpta essent, evomuerit, intus remanentibus, quæ in prandio, tres vel quatuor ante vomitûs insultum horas, comedisset.

§. XXIV.

Effecta
mox tra-
dita si-
stunt
morbum
donatum
variis no-
minibus,
quæ &
Crasso-
rum &
Tenuium
intestino-
rum affli-
ctionibus
conve-
niunt.

Intelligitur itaque (ut ex diverticulo redeam in viam) ex § §. XXII. XXIII. *prolapsum intestini unius in alterum* producere *passionem* miserabilem, quæ & *Iliaca* vulgo dicitur, & vario alio labentibus sæculis insignita fuit nomine. Nomina autem illa scire lubenti fusè tradituri sunt Latinissimus *Celsus* lib 4. c. xij., & *Galen.* lib. 6. de loc. affect. c. 2., atque inter recentiores pluries citatus *D. Sennert.* Lib. 3. part. 2. Sect. 2., nec non *Cæl. Aurel.* lib. 3. acut. c. 17, ut & *Petr. Petit.* in *Comment.* in *Lib. 3. Aret. Cap.* p. 61. Ubi etymologiam eorum simul invenire est.

Nos in iis tantum animadvertendum habemus, denominationes hæc non modò *Tenuiorum*, sed etiam *Crassiorum intestinorum* affectibus competere, qui ex similibus, quam illi *Tenuiorum*, causis origine ducta, fere eosdem funestos ac *Iliacos* eventus generant. Quemadmodum enim superius §. VII. ostensum est, causam *Ilei*, id est, malum *insinuationis mutue*, in ipsis *Crassis* obviam venisse, ita idem, in illis sæviens, morbo etiam *Ileo* homines interemisse, docuit *Bonet.* in *Sepulchr. Anat.* l. 3. Sect. xiv. Quin ipse *Fr. Hildanus* testatur, se post *Ilei* tormina dirissima circa principium *crassiorum intestinorum* in puerorum cadaveribus ejusdem generis afflictionem quam pluries invenisse.

§. X X V.

Vocem autem χορδαψίς, uti aliorum, ita etiam Divi Hippocratis in scriptis, non arctiori sensu pro morbo *Iliaco*, ex *intestinorum contorsione* sola (quam rarissime, si unquam, nasci posse arbitramur); Sed latius pro eodem, ex *intestinorum præclusionibus* aliis, vel cum, vel absque inflammatione, generato, accipiendam esse judicamus. Quod si verum sit, per hodiernam Experientiam labefactata aliquantum videri potest dignitas aphorismi Coi Senis, qui sonat, „Τὰ δὲ πρὸ ἥβης & γίνεται νοσήματα, Περιπλευμονικὰ, Πλευριτικὰ, . . . , μὴ σύμφυτῶ χορδαψίς. Τῶν τῶν νοσημάτων πρὸ ἥβης & χρὴ πρὸςδέχεσθαι γενησόμενον & δὲν. Summi etenim Viri, Ruy-schius, Peyerus, Hofmannus, Blasius, Smethius, & alii plures, dixerunt oculati testes, multum *infra pubertatem* infantes, scil. quatruiduos, semestres, annuos, biennes, triennes, quadriennes, sexennes &c. morbo *Iliaco* ex causâ (reliquis jam omissis) duntaxat vel unicâ, *mutuâ* nempe *intestinorum immersione* ipsâ, non *congenitâ*, sed quæ paucos denuum ante obitum dies intestina corripuisset, nato, interfectos fuisse.

§. X X V I.

Nec ipse ingeniosissimus Duretus in *Comment. in Coac. Prænot.* p. 417. magnum Senem satis videtur defendisse eo, quod Morbus χορδαψίς per productum a stagnatione, atque adeo putrefactione fæcum in Embryonibus, secundum hujus ipsius Medicinæ Parentis opinionem, *Lumbricum latum*, exinde in pueris genitus, ita σύμφυτῶ quoque sive *congenitus* esse & dici posset; nam non ideo etiam *congenitæ* forent reliquæ remotiores ejusdem morbi causæ, qualis vel maxime est exposita hætenus *duplicata intestini interceptio*, quæ simul cum infante nata, ob summam necessitatem aperti canalis hujus, non ita diu ad menses plures, aut etiam annos, uti modo dictum est, occultari posset, sed brevi acutissimas,

C

Nectutō.
satis ex-
plicasse
Senis
verba vi-
deretur
ipse Du-
retus.
supe-

superius §. xxii. enarratas, calamitates induceret. Non fugit nos equidem nonnullos etiam casus exstitisse, ubi citra ista horrenda effecta malum hoc diu satis intestina occupasse videri poterat, qualis est, qui invenitur in *Ephem. Natur. Curios. ann. 1. Obs. 126.*, filiolæ videlicet, ab *ortus sui vestibulo* alvo summè segni laborantis, donec ea in dentitione demum difficili *convulsa* fatis cesserit; Nec non, qui in iisdem *Ephem. decur. 2. a viij. observ. 18* legitur, alterius infantis *absque ullis vomitibus stercoraccis*, & alvo etiam aliquatenus *sequace*, excrementa tenuissima, etsi difficillime, egerentis *ad vitæ terminum* usque; Imo & tertii, quod plus est, qui in iisdem *Ephem. decur. III. a. II. p. III.* memoratur, *perpetuâ diarrhæâ* ad mortem usque diffluxisse. Quorum omnium tamen *intestina*, sed quod notandum est, non *crassa*, sed *gracilia*, supradictam *interceptionem* præsentem monstrarunt. Verum enim verò non monstrarunt ideo eam, sævientibus modo dictis phænomenis, plerumque vitio *crassorum* potius, quam *Tenuium*, intestinorum adscribendis, jam præsentem, aut ab *ipsa etiam natiuitate* in puerulis hisce jam *genitam* fuisse, & non demum sub *agone mortis*, aut in *convulsivis concussionibus* corporis natam; quorum posterius multa argumenta adstruere potius videntur.

§. XXVII.

Diagnosis Intra-
susceptio-
nis Inte-
stinalium
ambigua. Quum autem *affectus Iliacus* citra hanc *intestinorum involutionem*, frequenter etiam, uti modo subindicabam, a quamplurimis aliis, & indole equidem admodum discrepantibus, quin & sese invicem sæpe concomitantibus causis proveniat, summâ industriâ in quolibet casu oblato inquirendum erit in ejus originem. Adeoque *σημειωτική* hîc, si ulli di, consummata in fortunatè curaturo, Dogmatico Medico postulatur notitia. Verum hoc opus, hîc labor. Competentia enim, & propria, signa, ejusmodi *intestinorum involutionem* ab omni alio eorundem malo, *Ileum* etiam producere apto, certo discernentia, repperire & tradere fatagenti, dubio procul

cul statim innotescet deploranda Medicæ Scientiæ in his egestas. Etenim qui *involutionis*, sæpius dictæ, causas omnes, & symptomata quæcunque superius §§ xix ad xxiv. tradita, exquisitè scrutatur, qui ad amussim seorsum singula ponderat, qui & confert deinde inter se universa, non ultra, quam *probabiliter*, Eam adesse, affirmaverit. Solatium interim *duplex* hanc artis inopiam hîc haud parum emollit, *primum* quod ejus in *Ileo* laborantibus præsentis *suspicionem*, dicta ratione comparatam, haud raro eventus per cadaverum, immo vel vivorum (ut in curatione infra patebit) hominum, incisiones notati, Medicinam facientibus *confirmatam* dederint atque *certam*: *Alterum*, quod propemodum cunctæ, quibuscum forsan *involutio* a Perito confunderetur, *Ilei* causæ, fere iisdem, quibus illa, remediis, non impunè duntaxat, verum & secundo sæpius successu tentari possint, ut adeo error hic subnatus minus quam alibi sit noxius. Sedem tamen cujuscunque causæ hujus morbi, num scilicet in *Tenuibus*, an in *Amplis Intestinis* illa resideat, ex loco doloris, & tumoris, nec non ex spatio intervallorum inter quoslibet vomitus, atque ex inspectis ipsis rejectionibus, sufficienter illucescere cum Multis docet laude dignissimus D. *Sennertus*.

§. X X V I I I.

Ea verò mali sedes si rectè distingui possit, etiam *Prognosis*, *Prognosis*. quam in hoc morbo, ex effectibus suprâ fusè enarratis, semper amaram esse, eruere facîle possumus, exinde immutabitur; *prægrandis* enim *crassorum* levior erit, quàm *tenuiorum* intestinorum *mitis* affectio; in *posteriori* enim casu omnis nutritio tollitur, & quorumcunque applicandorum remediorum magis restringitur occasio. Si verò tubi intestinalis pars *inferior* *superiorem* amplexa fuerit, aut *involutis* cum *involuta* portione concretio jam existat, ferme occasio illa tota tollitur, & omnis medela non frustra duntaxat, verum etiam cum detrimento adhiberi videtur. Interim, quoniam

tunc communiter, ex ipso genio mali, certò pereundum est ægris, præstabit anceps remedium explorare, quàm ipsos, sine ulla solatii specie, in miseriis suis desperantes relinquere.

§. X X I X.

Indica-
tiones.

Ob sævitiem itaque mali summam, quam primum, & veluti festinanter, ejus ablatio molienda venit; hinc indicationes seqq. Sibi proponat Curaturus;

1. *Viribus vitæ* (ut in omni morbo) consulendum.
2. *Remotas causas* corrigendas, fugandas.
3. *Alvi exonerationem* restituendam.
4. *Motûs Peristaltici intestinorum inversionem* emendandam.
5. *Symptomata* reliqua gravissima lenienda, auferenda.
6. *Intestina* cito vindicanda *parte incarcerata*.

Harum tantum tres, videlicet tertiam, quartam, & sextam, ceu directè huc spectantes, unà explicabimus, reliquis, ut generalioribus, brevitatis causâ omiſſis.

§. X X X.

De Ene-
matibus
& suppo-
sitoris.

Si anus itaque adstrictissimus introitui Siphonis obest, prius fovendus & relaxandus venit Emollientibus, Oleosis, Unguentis, vel Linimentis. Tum Enemata primum blanda, lubricantia, aquosa, sæpius sunt immittenda; Mox hisce parum proficientibus, adjicienda repetitis vicibus sunt acriora, stimulum inferentia, ac *motum intestinorum deorsum* dirigentia; uti acrius purgantes, *radices, folia, salia neutra, succa, & gummata* &c. Nonnunquam & suppositoria aliquantum stimulantia interponi possunt.

§. X X X I.

De injec-
tione
fumi Ta-
baci.

Fumus Nicotianæ ex tubulo inverso, vel aliâ machinâ, in nunquam satis laudando opere chirurgico *L. Heysteri* pag. 1100. descriptâ, & Tab. 34. fig. 13. delineatâ, in sedem vali-

diffimè propulsus, a nonnullis, consilio Egregii *Th. Sydenhami*, & Clarissimi *Dekkeri* Academiae hujus quondam Professoris, obtemperantibus, omnium præsentissimus clyster habetur: a quibus stat & ipse Candidissimus *L. Heysterus*, qui in *berniâ incarceratâ* dirissime scrutiatis, & morti jam proximis, tam promptos & salutiferos hujus clysteris, ex *acerrimo* equidem *Tabaco* parati, effectus ipse observavit, ut beneficio illius nunquam ad scalpellum illo in morbo accedere ipsi opus fuerit, quemadmodum ipse in eodem *op. chirurg.* testatur pag. 807. At tamen ab aliis ob pessima alia sæpe inde creata mala Nicotianum illud clysterum ceu periculo plenum despicitur & repudiatur.

§. XXXII.

Si existimemus fæces solidiores simul *fistulam intestinalem* De *Dilu-* obfidere, vel acria eam infestare, Diluentia, Attenuantia *entibus &* Temperantia, Lubricitatemque addentia, Decocta vel In- *lubrican-* fusiones, aut Olea pressa, largâ copiâ sunt ingurgitanda. *tibus.*

§. XXXIII.

Perseverante morbo statim valide purgantia, *Hydragoga* De *pur-* dicta & *Melanagoga*, propinanda & per *Epicrasin* exhiben- *gantibus.* da, quæ *intestina* ad motum naturalem versus *inferiora* disponant, & *inclusam* eorundem regionem *carceribus* solvant. Atque idem tentandum est in tenellis infantibus æque quam in adultis, & donec alvi fiat exoneratio reiterandum, ex consilio expertissimi *Ruyschii*, qui præsertim inculcat *Cathartica* ratione virium in qualibet ætate satis acria requiri. Monendum interim venit, acria & vellicantia quælibet circumspecte esse concedenda, ubi simul phlegmone in intestinis sævit.

§. XXXIV.

Desisten-
da emesi.

Si *Vomitus* pertinaciter repugnat Medicaminum assumptio-
ni, *Anodynis*, vel & *Narcoticis* sopor ad tempus inducendus
est furibundis fibris *oscillatoriis*, quæ ad hanc excretionem
coöperantur. Aut post devoratum purgans, dictitante sæ-
pius laudato *Ruyfchio*, aliquantum *spiritus vini ægro*, quod
is in ore detineat, exhibendum. Quod idem in his, & si-
milibus omnibus casibus maximo itidem usui erit, si id
nauseosi ingratissimique saporis quodcunque remedium, v.g.
oleum lini, in *œsophagum* depellendum prægressum fuerit.
Præterea Regioni *Epigastricæ Fomenta* vel *Epithemata* ex *sto-
machicis* penetrantibus, *spirituosis*, *aromaticis*, aut & *ano-
dynis* applicanda calide.

§. XXXV.

De pon-
d. rofiori-
bus cor-
poribus
degluti-
endis.

Alvo adstrictissimâ, discruciatibus sævis, & Emesi, per-
severantibus, ad remedia minus usitata, sed his in casibus
sæpius comprobata, demum, vel & maturius, descenden-
dum, quæ *pondere* suo in *intestina* ex *ventriculo* subito im-
pacta eorundem *repulsum* invertant, membranas *contra-
ctas* expandant, *duplicatas* extricent, nec non *obices* quoscun-
que depellant.

§. XXXVI.

imo de
glandi-
bus me-
tallicis.

Huic autem scopo inserviunt *Glandes ponderosæ* e metallo,
plumbeæ, *argenteæ*, vel *aureæ*, quas, ut simul stimulus ad-
sit, alii confecerunt ex *Regulo antimonii*, alii & ipsas *plum-
beas mercurio vivo* incrustarunt. Cujus auxilii in desperatissi-
mis casibus, ubi quodcunque fere remediorum genus in-
cassum adhibitum fuerat, visi sunt sæpius exoptatissimi
eventus. *Pondus* autem earum sit plerumque non minus
quàm vel *uncie dimidiæ* vel *integræ*, quum observatum
fuerit,

fuerit, ex variæ magnitudinis in tali morbo deglutitis globis, ponderosissimum, etsi ultimus omnium adsumtus, & in ventriculum depulsus fuisset, omnium tamen promptissime superatis resistentiis ano egressum fuisse, remoratis adhuc dum intra abdomen levioribus.

§. X X X V I I.

Omnibus tamen his *glandibus*, ceu majoris tarditatis mō- 20. De
leculis, multi in arte Celeberrimi Viri longe præferunt lar- ipso mer-
gum *Hydrargyri* potum. Quippe qui, ob mobilitatem sum- curio vi-
mam, & summum post aurum omnium cognitorum corpo- vo.
rum pondus, expeditius *ventriculum* videatur & *intestina*
permeare versus locum *intestinorum* gravi illa *angustiarum*
labe laborantem; inchoare harum quarumcunque apertio-
nem; atque reliquam hujus canalis congeriem, in motum
& situm *naturalem* restituere.

§. X X X V I I I.

Quantitas ejus ad *unc. ij, iv, tßß* vel integram ipsam Ejus
determinanda venit. Innoxius enim semper fuit caute ex- quantitas
hibiti *Argenti* illius *Vivi* in *primas digestionis vias* ingressus, adhiben-
ut &, nisi *intestinale vitium* nimium obstaret contumaciter, da; blan-
ex iisdem felix semper reditus. Id quod expertus Centurio dities
ille, qui, narrante *V. d. Wiele*, cum a Principe in media com- summa;
potatione risum captante inscius semilibram *Mercurii Vivi* ut & ef-
in capaci poculo vini pleno ingurgitandam accepisset, il- ficacia
ludque *ειρυσικως* uno haustu heroico evacuasset, præsentibus potens.
multis Convivis, adhucdum fere bibens, nec tempus
secedendi habens, in cachinnos omnibus effusis, assumtum
pondus largissimo cum pridianæ canæ fœnore innoxium ano
reddidit. *Blanditiem* autem hanc *Mercurii Vivi* in ipsis bru-
tis demonstrat experimentum doctiss. *Wepferi* in tract. de
Cic aq. cap. 22. inveniundum. Et summam ejusdem, sæpius
spectatam, *Efficaciam motum peristalticum intestinorum inver-*
sum

sum in sanas conditiones revocandi, eorundemque præclusiones, licet a causa externa ortas, ampliandi, firmabit incredibilis fere casus, ab expertissimo Viro F Hofmanno in Med. Rat. Systb. tom. 4. Sect. ij. c. iv. de fœminâ berniosâ relatus.

§. XXXIX.

Immerito *venenum* ille *a Dioscoride & Plinio* appellatur. Quam ob causam præcipitanter nimium visus est describere deleterias hujus metalli vires *Dioscorides* in lib. v. c. 70. & in lib. vi. c. xxviii. quasi illud epotum, instar *Lithargyrii*, torminibus intensissimis ventriculum & intestina exederet, aut pondere suo laceraret. Similiter immerito ipsum *veneni rerum omnium* nomine infamavit *Plinius* in Hist. Nat. lib. xxxiii. c. vi. Exemplum enim prostrare ipsius vel ad libras usque citra ærumnas deglutiti, insuper memorat *Ambros. Paræus*. lib. 21. de venen. c. 46.

§. XL.

Nec *Frigore intensissimo* *Coagulum sanguinis* infert ubique; Parum etiam doctrinæ Physicæ consentaneum videtur quod alii tantam malorum catervam, *universi* scilicet *sanguinis coagulum*, deducere velint ex *summo Mercurii Vivi frigore*, quasi ille *decies quater* aquam *gravitate specifica* antecedens, itidem *frigoris gradibus totidem* ipsâ acrior foret. Docuerunt nimirum (uti hodie palam est) *Thermoscopiorum* fidelissimæ mone- læ, omnia corporum genera cujuscunque densitatis, commissa satis diu eidem temperiei caloris communis, nunquam habere diversitatem ullam caloris vel ignis, ullo respectu, modo æqualia volumine fuerint. Quamvis interim corporum densitas, particularumque ea constituentium cohæsiō, discrepans varie, diversitatem nonnunquam sistat in velocitate, qua, applicatis sibi invicem varii caloris corporibus, cum minus calido corpori ignis copia adjicitur, tum excessus caloris in calidiori diminuitur. Modo dixi non *semper*, sed tantum *nonnunquam* diversitatem

tem in hisce produci a varietate corporum modo memora-
ta, quibusdam enim sub conditionibus inde nulla phænome-
na notabilia excitantur. Quod utique in ipso hoc metallo
summa celebris *Fabrenheitii* industria detexit; illud enim va-
riæ densitatis corpora se ipso calidiora ambiens, eorum non-
nulla, fortasse pro ratione excedentis gravitatis, *decies quater*
ocys aquâ, alia vero ipsâ aquâ *tardius multo & debilius* ad
inferiorem gradum caloris redegit. Uti hæc, lectu junc-
tissima, ut & admiranda, exactissime descripta habemus
a Viro Summo *Hermanno Boerhavio* in *Chem. Tom. 1. tract.*
de Igne. Exp. xx. Coroll. 10. & seqq. A cujus docto ore, donec
ultimum ad suos Discipulos in Scholâ privatâ, angustîâ jam
præcordiorum haud levi, alloquium acerbo hocce instan-
tis fati prognostico clauderet, *vix crediderim, Domini,*
pulmones amplius suffecturos, valete!, me pependisse, cujus-
que salutaribus præceptis privatim etiam, & pro eâ, quâ
parentem meum Vir Maximus dudum foverat, amicitîâ
fidelissimis ad moderandam totam studiorum meorum ra-
tionem (quod præfiscine dixerim) me usum fuisse, tam-
diu lætabor, quamdiu mens sana erit in corpore sano.

§. X L I.

Unde profecto colligere datur, *mercurii vivi* usum non
universim esse vituperandum, nec *sumum ejus frigus* accu-
sandum, ob temerariam adeoque lethalem applicationem
ejus nonnunquam visam in *febris ardentissimis*, ubi ab ejus
usu sanguis in cadaveribus congrumatus inveniebatur. Cu-
jus exempla *Ramazinus* in tract. de morbis artif. cap. 2.
ex *Borrichio*; & *Mathiolus* in *Dioscorid.* lib. 6. c. 28 ex
conciliatore Petro Aponensi, tradiderunt; Erroribus enim in re-
bus non naturalibus (quos in illis casibus ægri isti simul cum
hydrargyri potu commisisse referuntur) si vel tantum modo
gelidæ aquæ nimis profusus haustus sociaretur, ab illis qui
itidem *causo* detinentur, nonne & iis ab hoc gelido potu
vasa constringente, humores condensante, & a reliquis

Licet in
febris
acutissi-
mis hæc
mala ge-
nerave-
rit, in-
caute
propina-
tus.

D

inju-

aëris injuriis inductum iri eisdem, quales mox ab *argento vivo*, mortiferos eventus præfagiret multarum tristissimarum, quæ inde visæ sunt, historiarum memoris?

§. XLII.

Metho-
dus eum
exhiben-
di.

Si igitur usus hujus metalli necessarius judicatur, illud lotum, & poris alutæ egressum, prudentissimè jungi potest cum oleis *amygd. dulc. rec.*, *Rapar.*, *Olivar.*, *Lini*, vel cum *Mucilagineis* decoctis, aut cum *jusculo carniū pingui*, calidis, & id sic oblatum ob densitatem suam summam constantius calorem suum servabit quibuscunque aliis liquoribus notis.

Ejus autem post assumptionem æger deinceps aliquamdiu in latere dextro decumbat, ut pronior sit ejus in *intestina* transitus; post hæc, si vires ægri id concedant, levem ambulationem aut vectionem instituat, ut metallum labile citius iter suum conficiat; Atque iisdem sub cautelis *glandes* majores §. xxxvj., si *mercurio* eas forsā quispiam præferat, exhiberi possunt.

§. XLIII.

Idem
ingredi
Potest
vasorum
lacteo-
rum os-
cula.

Quod si hæc remedia *vias Digestionis primas* iterum aperuerint, & alvum exoneraverint, inde Enematibus Emollientibus, & Eccoproticis, similibusque, insistendum erit. Et licet forte diutius *Mercurii Vici* particulæ intestinīs inhæreant, non inde tantum discriminis metuendum est; notavit enim *Clar. F. Hofmannus* datam dimidiatam libram ejus, non ante diem quartum decimum, partitis quotidie vicibus, alvo exclusam fuisse, attamen sine noxa. Ne nimium tamen hîc securi exsulemus, in totum negando *aquam* hanc *siccā* vasorum *lacteorum* orificia nunquam intrare posse, vetat experientia Incomparabilis *H. Boerhavii*. Ille enim (dum lectionibus in Nosocomio publico hujus Civitatis restaurandis felicem administrationem praxeos clinicæ præmitteret) auditoribus suis communicavit observasse se puellam ex
mercu-

mercurio crudo, in vermium necem præscripto, in febrim putridam, foetorem animæ, & ulcerationes gingivarum incidisse.

§. XLIV.

Nimis tamen fortasse meticolosè monet *Bonetus* in *Sepulchr. Anat.* l. 3. f. xiv., ne jam deglutito aureo globo, nec secedenti, superadjiciatur *Hydrargyri* haustus; quia duo illa corpora veluti se mutuò sint detentura summo cum ægri discrimine. Videretur enim ad summum factum iri ex utroque *amalgama* & id quidem *gravissimum*; qua de re etiam *Dioscor.* lib. v. c. 70. dixit, *Mercurii* potui mirabile ferre auxilium *auri* limati scobem, sive ramentum quam tenuissimum, epotum.

4. Aureo globo deglutito Mercurii adjectio non videtur pernicio-
sa.

§. XLV.

Topicum, sed ultimum, remedium, quod jam *Hippocrates* in *libr. 3. de morbis* collaudaverat, *Follem* videlicet *fabrilem* ano adaptandum, & flatum eò in ventrem immittendum, qui *angustata ab inflammatione intestina*, dilatet, *Riverius* in *convolutionibus* itidem & *contorsionibus* intestinorum commendat ob felicissimos ejus effectus; & ipse *Trallianus* id usurpare consuevit; verum, illudne in *intestinorum involutione* sive *mutuo ingressu* æque bene cederet, haud æque certo patet.

An flatus foite
fabrili
impel-
lendus
sit in a-
num?

§. XLVI.

Magnam verò adjicit *Egregius Barbette*, loco dolenti imponendam sugentem (vulgo *ventosam*) *cucurbitam*, at sæpius removendam, atque iterum renovandam. De *cucurbitæ* sugentis successu parum sperandum videtur, si *susceptio intestini* inter alia *intestina* profunde tecta vel sepulta hæreat.

An cu-
cubita
sugens
efficax
sit?

§. XLVII.

Suadetur
ut ex ab-
domine.
intestina
educan-
tur & ex-
plicetur
velvulus.

Omnia autem ex arte subministratorum auxiliorum frustra periculo facto, ægrotantibusque palam ad æternum somnum veloci gradu properantibus, quidam, præeunte consilio nostri *Latini Hippocratis*, satius rati in certissimo discrimine anceps quàm nullum remedium experiri, eo devenerunt, ut circa locum maximè tumentem atque obstructum (qui interdum innotescit ex eo, quod homines afflicti quæcunque ingesta *deorsum* ferri per *intestina* ad aliquam eorum plagam usque, sed inde *tumultuose regurgitare*, ipsi sat distinctè persentiscant) *apertionem* suadeant *ventris*, & *intestinorum*, quantum sufficit, *eductionem*, ut *extricetur* ita artifice manu eorum *mutuus amplexus*.

§. XLVIII.

Quæ o-
peratio
molestis-
sima est.

At violentus *intestinorum* ex abdominali vulnere egressus, præsertim cum omnia perquam tument: promptaque eorum eductorum & solita, ab ambiente atmosphærâ, immutatio (etsi interdum absque labe per menses, immo à *mesenterio* & *vasis suis* soluta, propenderint, quales qui legantur & relegantur dignissimi casus habentur in *Smeth. misc. obs. lib. x. 1590.* & in *Eph N. C. a. v. p. 224*); ut & difficillimus eorundem in capfam suam reditus; nec non eorundem *partium vitiosè positarum* non adeo prompte detegendum latibulum, & interdum occurrens concretio; *operationem* illam, laboriosissimam, & fere semper mortiferam, annuntiant.

Insignia
tamen
dantur
exempla
felicissi-
mi suc-
cessus
Ejus-
dem.

§. XLIX.

Luculentum tamen exemplum admodum secundi *operationis* ejusdem evētus, vidē sis apud *Bonetum* in *Sepulchr. an. tom. 2. p. 228.* Ubi Chirurgus juvenis castra diu secutus, cum magna fiducia sanationem miserrimæ hoc morbo

bo laboranti *ab operatione* pollicitus, voto suo refertur & ægræ eximiè satisfecisse. Nec minus fortunate eandem, se juvene, celebratam fuisse a magno Præceptore suo, affirmanti facile credes candidissimo atque omni fide dignissimo Viro *H. Oosterdykio-Schagt*. Quum nimirum fœmina quinquagenaria, admodum truculentis hujus morbi symptomatis defessa, a nullo remedio *Enematum, Fomentorum, Cataplasmatum, & cucurbitarum magnarum ventosarum* abdominis, a celeberrimo *Nukkio* successive applicatorum, levamen ullum cepisset; Ille, in praxi felicissimus, suspicatus *intestinorum mutuum anplexum* subesse, author fuit, ut Chirurgus dexterimus, in latere sinistro, quatuor digitos transversos ab *umbilico*, obliquè versus inferiora simul & posteriora facto abdominis hiatu, *intestina*, (statim absque ullâ morâ lacte tepido fovenda) protraheret, quæreretur locum *involuntum*, eumque lente evolveret, mox omnia *intestina* reponeret, & tandem vulnus abdominis consueret. Quod consilium dictum factum adeo bene cessit huic, fere jam morienti, mulieri, ut eductis *intestinis*, & bonâ fortunâ, subito *eorum immersione*, omnium malorum matre, repertâ, inflammatâ necdum, nec coalitâ, & post olei multi inunctionem ductâ; atque postremo, post eorum refusionem secundum artem, gastroraphiâ ex voto absolutâ; primum quidem Enemata Emollientia alvum denuò aperuerint, postea vero vires restaurati corporis ipsæ sponte suâ apertam illam servaverint, eo effectû, ut Illa ex Orci faucibus veluti erepta, brevi perfectè sanata, & ultra 20. deinceps annos superstes, fuerit.

§. L.

Quod si post *intestinorum* reductionem in abdomen, eorundem *contorsio* aut *depravata positura* metuatur; Jubente C. Celso, æger leniter concutiendus est, quo per se singula *intestina* in suas sedes reducantur, & in hisce consideant. Quin, quod eorum partes, si quæ forsan a situ commodo, dum

Intestina
reducta,
concussu
corporis,
sed vel
spontè, in
propria
loca dis-
ponuntur.

reponuntur, aberrent, facultate solâ corporis ipsius, in propria locula menta sponte regrediantur, ipse credere haud dubitavi, ex quo viventium Brutorum incisorum intestina educta, omnivariâ ratione in *contrarios gyros* a me flexa, & *contorta*, tumque hac, quousque id præstari potuit, *præternaturali* positurâ rursus per vulnus in abdomen intrusa, nullam notabilem Functionibus *Naturalibus* eorum animalium, brevi omnia sua constanter iterum peragentium ut prius, labem intulisse mirabundus animadverti.

P A R S S E C U N D A.

D E

ALIIS MACHINAE HUMANAЕ EXTRAORDINARIIS.

OBSERVATIO ANATOMICA PRIMA.

In cadavere Viri robustissimi, valde musculosi, admodum proceri, ætatis anno 27^o vel 28^o denati, & ut ex colore, torositatēque totius corporis, nec non contentis crassioribus stomachi videbatur, modicâ sanitate extincti, præter *Volvulum*, quem in ipsa Dissertatione §. VII. attuli, sequentia mihi occurrerunt notanda

1. Extrinsecus nullibi vitium, at Thorax latissimus & tumens. Integumenta autem communia in latere dextro à *Pectorali* musculo removenti, mox obviū odor, non ingratus primò, & quasi recentibus *Liquiritiæ* radicibus proprius, sed sensim ingravescens, & tandem nauseosus. Membrana *Adiposa* hîc, & super ipsis abdominis musculis aquis quodammodo turgida.

Multi Musculi 2. *Pectoralis* porro Musculus ipse extrinsecus sanissimus, intrinsecus arctissime cum cartilagineis partibus costarum *verarum*, & musculis *Intercostalibus* ipsis connatus. Immo verunt.

Immo in quibusdam locis omnes hi muscoli, in se invicem valide compressi, & una cum induratâ membranâ *Pleurâ* in unam scirrhosam duritiem versi. Musculus *subclavius* itidem in ligamentum quasi conversus. Pinguedo, nec non glandulæ prope axillam, induratæ

3. Mox, ubi leviter vulneraveram *Pleuram* membranam magno impetu e Thorace liquor subgrysei coloris, & odoris, qualem jam ante subolfeceram. Stylo in hanc cavitatem dextram Thoracis demisso nullum Pulmonis dextri vestigium obviam, sed copia ejusdem liquoris, quem exinde ad librâs 12 eduxi. Hic spissitudine, ac homogeneitate, atque odore ab *Ichore* diversus; Pure autem bono magis candicans & fluidus.

Thoracis
Cavitas
dextra
Pulmone
vacua;
liquore
candido
plena.

Prius quam Thoracem discinderem, aliquot intervalla costarum *verarum* musculis *Intercostalibus* exui, ut Viscerum ejus Cavitatis positura rectè innotesceret. Ibi Pulmo *dexter* ex loculo suo prorsus extrusus in *sinistram* cavitatem Thoracis; margo autem ejus *anterior* uti *sterno* proximisque cartilagineis portionibus costarum dextrarum, ita & margo ejus *posterior* eminentibus corporibus vertebrarum *Dorsi*, firmissime accreverat; & inter hos terminos latus ejus dextrum applanatum atque tensum.

Pulmo
dexter in
sinistram
cavum
Thoracis
adactus.

In aperti denique Thoracis camerâ *levâ* Pulmo proinde *dexter* & *sinister*, ut & *Cor* cum suis vasis arctè compressa, allnente simul magnâ copiâ lymphæ subrubellæ: camera vero *dextra* pulmone suo orbata, &, ut dixi, lactei coloris liquore repleta.

Pleura membrana dextra in quibusdam locis macerata & dissoluta, in aliis dura & ad minimum decies incrustata; qualis Involucrorum præternaturalis crassities etiam in Emphyematibus & Pulmonalibus Vomicis haud infrequens est; sed in sinistro *sacco* membranæ ejusdem conspicua valida phlegmone.

Pleraque
viscera
Thoracis
vitiata.

Glandula *Thymus* pro ratione ætatis extra ordinem tumens; sed omnino scirrhosa.

Pulmo

Pulmonis dextri moles multo minor quidem, quam illa *sinistri*; tres tamen ejusdem *Lebi* singuli superstes, quorum externa quidem tunica spissa & callosa verum ubique continua, nullibi perforata; quin ipsa eorum substantia modice sana nullis contaminata *Vomicis*, at parumper compacta. *Pulmo* proinde hicce nequaquam in causâ effusi intra Thoracem liquoris.

Pulmo sinister summopere, sanguiferis vasis obstructis, extrinsecus rubes. *Pericardium* mole suâ, duritie, nec non crassitie membranæ suæ, perquam immutatum.

Viscera
abdomi-
nis.

5. Ex patefacto, post hæc in Thorace visa, abdomine multus sanguinolentæ lymphæ profluxus. *Omentum* ibi, inter *Colon* intestinum & *Ventriculum* convolutum, sed tamen propagine quadam *Peritonæo* infra *Lienem* firmiter adglutinatum.

In *intestinis tenuibus*, & præprimis quidem in *Jejuno*, spectaculum texturæ vasorum sanguine turgentium, quasi arte intide repletorum. In intestino *Cæco* *Vulvulus*, quem superius in *Dissert.* explanavi.

Ventriculus turgidus liquore coloris cinerei, & frustis casei semine cumini conditi, medium fere digitum longitudine adæquantibus; quæ quandoquidem leviter tantum macerata, dubio procul brevi ante mortem devorata, signum dabant hominis non adeo diu, aut certe non adeo graviter, ægri.

Vasa La-
ctea Chy-
lo tur-
gentia.

6. Ex *Intestinorum tenuium* lateribus, ut & ex eorundem *dorso* etsi obscurius, jucundissimus nobis conspectus prodeuntium vasorum *Latheorum Chylo* spissiori refertorum; quorum alia secundum vasa *sanguinea*, alia vero ab eorundem directione seorsum, & vario flexu, proserpebant versus *Mesenterium*, &, inter ejus *Duplicaturum* pergendo, in truncos majores successive coeuntia, tandem *Glandulas* ejus *Vagas* ingressa, pulcherrime etiam easdem ambire & coronare cernebantur.

Numerus autem, nec Cavitas, horum Vasorum ubique æqualis, sed ea circa medium *Intestinum Jejunum*, omnium, uti capacissima, sic & numerosissima. Per illum vero *intestinum* &

& pauciora & arctiora. At & ex ipso *Duodeno*, (in quo ejusmodi vasa se nunquam repperisse scribit J. D. *Santor.* in *obs. Anat.* c. ix. §. x.) emergebant parvi vere *Lacteorum* rami, et si *chylo* dilutissimo pleni, & vasa *Lymphatica* potius, quam *Lactea*, referentes. In *crassis* vero *intestinis* nullum eorundem specimen.

Distributionem autem eorundem tubulorum *Chyliferorum*, superiori propemodum similem observare insuper mihi licuit in infantis biennis *intestinis*, ob *Glandularum Mesentericarum vagarum* obstructions, denso horum tubulorum tegmine itidem ornatis.

Chylus porro tenacissime adeo iisdem inhærens, ut ex utroque illo Cadavere, in spirituofo liquido, reservare, jam a longo tempore, potuerim *intestinales* portiones, in quibus præter venosa arteriosaque vasa, varii coloris materie condiente. *Chylus* tenaciter iisdem inhærens. te. penitissime ex arte impleta, hi tubuli *chylo* spissiori turgentes distinctissime conspiciuntur.

7. *Ductum Thoracicum* etiam prosequenti, ejusdem canalis *Ductus* universus deprehensus est integerrimus, ab ortu suo ad exitum *Thoracicus* & *Oesophagus*, in venam *subclaviam* sinistram usque. Neque ullibi disruptio ulla vasis *Lymphatici* majoris in *Thorace* hærentis, sic & non lacerati. *Oesophagus* toto suo itinere illæsus fuit.

8. Hinc itaque suborta mihi cupido, unde ergo tanta & Exam. talis in *Thoracem* colluvies? quam, nec *Chyliferus Ductus*, liquoris e nec *Stomachus*, nec vas *Lymphaticum* majus (quantum videre *Thoracis* licuit), nec postremò *Pulmo* ipse, huc deduxisse apparebat. cavo e- ducti. Plurima illa erat, ut superius (3) indicavi, & singularis intuper indolis; candida nempe colore, mixturâ valde æquabilis, neque ullo putredinis signo foeda, licet jam quinque a morte hominis lapsi fuissent dies. Oracula nostra consulenti, *Pus* esse respondit Vir Celeberrimus B. S. *Albinus*, quale ipse antea ex maximo abscessu *Hepatis* specie liquoris huic valde similis, magnâ copiâ eduxisset. Deinde auctore Viro Clarissimo H. D. *Gaubio* laticem hunc plures dies in digestionem sepositum observavi. Non putrescebat, quin odorem *acescentem* spirabat, & in duas partes sese separabat, quarum altera

Liquoris ponderosior, spissâ, instar lactis coâguli mucosa, & subfla-
in Tho- va; at multo tenuior altera, subviridis, & priori innatans;
racis Ca- Separationem autem eam, diuturno fotu caloris non turba-
vo in- ventidif- tam constanter retinebat; At *acescentem* suum odorem, sed non
fusio per nisi post multos demum dies, cum *putrido alcalino*, valdeque
multas nauseoso, commutabat.

diffitas 9. Ad loca porro inventi hujus in cadavere stagni non in-
partes, diligenter animadvertendum videbatur. Plurimis nempe in
corporis, diffitis, non tamen lateris in corpore illo *sinistri*, sed tantum
sed in la- *dextri*, locis latex ille comparebat.

tum dex- *Primò* namque in ipso *Scapulæ dextræ Dorso* inter fibras
tro. carnosas musculi *Infra-spinati*, & vicinas musculi *Deltoidis*,
1. Per insinuata detinebatur ingens congeries liquoris, cum latice
dorsum illo antea intra cavum Thoracis itidem *dextrum* invento, per-
Scapulæ fecte convenientis; dum (quod admodum peculiare visum
dextræ fuit) nulla ejus gutta, nec in musculis sub *Scapula* sitis, nec
in aliis *Deltoidi* vicinis, inventa fuerit.

2. Inbur- *Secundò* clunis etiam *dexter* insigniter tumescebat præcipuè
fâ sub in regione suâ exteriori. Separando musculos ejus, haud ita
musculo longe ab *Eminentia*, quam os *Ischion* emittit, acutâ, muscu-
Gluteo lum *Magnum Gluteum* firmiter annexum adunatumque *Gluteo*
Magno *Medio* detego. Sejungo aliquantum hosce musculos, & mox
dextro prorumpentem video liquorem, qui, & odore, & omni ha-
Radice bitu, cum priori e Thorace educto fere idem, nisi quod spiss-
Trochan- situdine majore aliquantum differret. Penitus itaque disjun-
teris Ma- ctis iisdem musculis, animadverto *Gluteo Magno*, ibi ubi idem
majoris Fe- *Gluteus* partem *Trochanteris majoris* ossis *Femoris* anteriorem
moris atterit, subjectam illam, [quæ à Viro longe Clarissimo B.
tuffulta *S. Albino* in *Histor. Muscul.* lib. 3. p. 520. primùm exquisitè
jam per- memorata, & quæ nuper in foemina non (uti cæterum
quam di- stenâ, memorata, & quæ nuper in foemina non (uti cæterum
stenâ, semper) dorso *Trochanteris majoris*, nisi laxè mediante *cellulo-*
sâ membranâ, adhæsisse, sed amplè cum ipso tendineo *Glutei*
Medii sine inseparabiliter coâluisse, a me inventa fuit] bursam
insigniter in omnem dimensionem, sursum, antrorsum, re-
trorsum, deorsumque dilatatam; ita ut hæc a latere superiori &
posteriori mediam fere altitudinem *Glutei Medii* conscendens,
& ad

& ad inferiora longe ultra *Radicem Trochanteris Majoris* descendens, ac totum itidem os Femoris per posteriora usque in ejus *Trochanterem minorem* ambiens, capacitatem faceret tantam, quæ integrum pugnum meum admitteret. Hæc ipsa autem vehementer adeo expansa bursa continuit ingentem vim priori similis laticis; Involucro simul ejusdem, quod in sanitate est tenuissimum, jam valde robusto & spissato.

Nec *Tertio* vel hîc laticis toties jam deprehensi, diffusique ^{3. Sub} limites; siquidem sub Pollice pedis, itidem *dextri*, inter os ^{ipso pol-} primi & secundi Ordinis, sub Tendine musculi *Flexoris Lon-* ^{lice pedis} *gi Pollicis pedis* capsula quæpiam, tenaci membranâ constans, ^{dextri.} integumentis communibus insidens, & repleta humore crasso, in flavedinem vergente, & parum recedente ab illo liquore, qui primum in Thorace ipso latuerat.

An proinde ex hisce colligere licet liquorem prius in *Thoracis dextram partem* effusum, ex hac in vivente adhuc homine per tria enumerata loca distributum fuisse? Nonne probabile sit venas *Pleuræ* absorbentes illum ex Pectoris cavo haustum sanguini fluenti infudisse? Eundemque beneficio arteriarum Exhalantium in illa loca depositum fuisse? Quam verò ob causam in latere *sinistro* hujus Cadaveris nullum ejusmodi liquoris indicium comparuisse dices?

10. Historiæ autem Cadaveris rarioris fas sit Viscera adjicere duo, quæ & ipsa non vulgaria.

Et primo quidem loco *Hepar*, quod sanissimi coloris, sed *Hepar* ordinariam longe superabat magnitudinem. *Fibra* enim, sive prægran- ^{de, in} *Lobus*, ejus sinister, solito multo latior, ultra Ventrículum ^{omni fa-} per anteriora sinistrorsum vergens, ejusque partem in foveâ ^{cie lui} valde profundâ recipiens, *Lieni* tandem ad magnam latitudi- ^{Lympha-} nem erat nexus. Alter autem, sive dexter ejus *Lobus* ad am- ^{tica vasa} plitudinem quatuor circiter digitorum transversorum descen- ^{osten-} debat infra marginem *Hypochondrii* dextri; Et interim, quod ^{dens.} notandum est, omnia viscera abdominis satis se invicem sustinebant. At *vesica felle*, ne guttam quidem ejus continens, adeo complicata erat, ut tenax tantummodo ligamentum speciosissime referret.

Per omnem porro superficiem utriusque *Lobi* hujus Visce-
ris, non modo in *Gibba*, verum etiam in *Concava* eorum re-
gione, candicantia vasa *Lymphatica* permulta hinc inde plane
manifesta fuerunt. Quæ pulcherrime etiam intumuerunt
deinde omnia, si aërem in *Venam Portarum* flatu impelle-
rem.

Duplex
Ureter,
duplex
pelvis in
Rene eo-
dem.

10. *Secundò Ren* sinister duos *Ureteres* emisit, qui primum
juxta se invicem incedentes, mox se mutuo decussantes, inde
per magnum intervallum procedebant sejuncti, donec margi-
nem *pelvis* abdominalis ferme attingerent, ubi in unum con-
fluebant.

In *Rene* ipso juxta altitudinem suam discissio duæ similiter
Pelves occurrebant, distinctæ prorsus, nullibi in se invicem
patentes, sed singulæ in suum *Ureterem* desinentes.

Varix
tumens
in *Venâ*
Sperma-
tica.

11. *Vena Spermatica* sinistra duplici insigni ortu, altero
ex *Venâ Emulgente* ipsâ, altero vero ex ejusdem *Emulgentis*
sobole renem versus derivatâ, (anatomice loquor) germi-
nabat. In eâdem autem *Varix*, a coitû horum principiorum
multum distans, infra quem vena collapsa erat & fere san-
guine vacua, sed supra eum turgebat. Unde, sanguinem
infra *Varicem* depellere sæpius frustra molitus; quæ vero in-
ferius restabant paucae guttæ facilius paulo sursum repelle-
bantur.

Tandem in ipsam *Emulgentem Venam*, *Renem* versûs, ma-
teriam balsamicam immisi, quæ illinc in exilia quidem vasa
Renis, & in venam *Spermaticam* penetravit, sed non ultra
ante dictum *Varicem*; portionem itaque infra eum vacuam
aëre distendi, siccavi, denique aperui, & detexi (quas in illa
adhuc dum ferveo) duas *Valvulas Semilunares*, cavitatem suam
Renem spectantes, & per diametros suas accurate sese mutuo
tangentes.

In scele-
to perfe-
cto om-
nes ossi-
um *Epi-*
physes a
Diaphysi-
bus ad-
hoc dum
soluta.

12. Postremo in hoc, plenum incrementum transgresso,
& insuper duris laboribus rusticis exercitato corpore inveni
Epiphyses omnes ossium sceleti (quem mihi mundavi) a cor-
poribus suis ossibus, sive, ut hæc Clarissimus *Ruyfchius* vo-
cat,

eat, ab *ossibus principalibus*, adhuc dum dissociatas. Ita nimirum in sequentibus ossibus res se habebat.

In osse *Femoris*, *Epiphysis* inferior, condylos & fulcum *Varia Patellæ* paratum subministrans; & *Caput* ejus, quin immo ossa. *Trochanteres* ambo ab *osseo corpore* sive *Diaphysi* adhuc dum erant discreta; superstitite lamellâ cartilagineâ, tenui, nondum in os conversâ.

Ossis *Humeri* *Epiphysis* inferior cum *osseo corpore* quidem confluerat, sed ab ipsa *Condylus* posterior sive major adhuc dum separatus mediante Cartilagine; itidem ejus *Caput* cum utroque *Tubere* suo etiamnum liberum fuit. A *Radii* autem, *Tibiæ*, & *Fibulæ*, *corporibus ossibus*, utraque *Epiphysis* distincta; ab *Ulna* & ossibus *Metacarpi* & *Metatarsi* *Epiphysis* inferior, ab osse *Pollicis* superior separata erat.

Pulcherrime demonstrat os *Sacrum* modum, quo Natura *Os Sacrum* Cartilaginem ejus in *vertebras*, sed ab illis *Lumborum* degeneres, absumere soleat; singulæ videlicet *Vertebræ* ejus adhuc dum a proximis potissimum disjunctæ. Verum enim vero summa ejus *Vertebra*, a secunda in totum dissoluta, exhibet distincte *corpus*, processusque *Obliquos*, cum *Adscendentes*, tum *Descendentes*, atque *Transversos* conjunctos cum *lateralibus* ejus partibus, nec non *Spinosum*, sed in duos fissum. Et ossis *Coccygis* vertebra suprema duntaxat processibus suis *Obliquis adscendentibus*, admodum perspicuis, cum iisdem *descendentibus* infimæ vertebrae ossis *sacri* cohærebat.

Sternum ex quatuor partibus componebatur, quarum prior *Os Pectoris* dabat os *Triangulare Sterni*; altera ponebat os inter secundas *ris*. & tertias *Costas veras*; tertia pars ossea inde definebat ad sextas *Costas*; ultima vero, *Ensiformis* dicta, adhuc dum Cartilaginea exiguum modo granulum osseum continebat.

Ab ossibus *Coxæ* dissociatæ *Epiphyses*, quæ *Cristam Ilei*, & *Os Ileum* superficiem *Tuberis Ischii* æquabilem constituunt.

OBSERVATIO SECUNDA.

*Hydrocephalus internus in infante recens nato.*Partus
Diffici-
lis.

1. **P**aupercula gravida, ad terminum Gestationis deducta, & partus nixibus tentata, foetus sui partem maximam commodè satis edidit, licet primum præternaturaliter pedes, deinde totus truncus una cum brachiis in auras prodissent. Hæsit verò deinde collum & caput, quamquam violentissime in ejus Exclusionem reliquam urgeretur parturiens.

Obstretrices itaque tres pariter in Auxilium advocatæ, at frustra; auxiliatrices enim præbere manus haud potes fuerunt.

Altero inde die Dexterrimus Operator *J. Denys*, Vir mihi, dum vixit, amicissimus, accersitus, Digitum Indicem juxta dorsum hærescentis Embryonis per *os uteri internum*, valide circa ejusdem Collum constrictum, protrudendo, tandem insolitæ adhærescentiæ causam, i. e. Caput deforme, & immane quantum, offendit.

Quod, omni molimine, sed irritò, carcere suo extricare diu conatus, anxiam Viribus postremo Naturæ ipsius commisit in posterum diem, quo, nisi adjutricem interea se dedisset Natura (quod sæpius præter spem sibi contigisse asseverabat Vir prudens) frustulatim onus extraheret. Verum provida, & voto ejus secunda effecit Natura, ut, sub sequentem Vesperam, uno saltem validiori nixu, momento citius foetu suo, jam pridem tamen strangulato, liberaretur misera mater.

Hydro-
cephali
Examen.

2. Hic Grandis, bene obesus, & pleno corporis habitu, sed Juvenile fere caput gerens, & valde amplo Thorace præditus, cum mihi ex benigno Viri Clarissimi *H. Oosterdyk Schagt*, qui Puerperæ eâdem, qua in omnes pauperes commendabilissimum se præstat, commiseratione, curam in se susceperat; nec non & ipsius Operatoris, consensu, ad Exenterationem traditus esset, sequentia in Capite illo suo enormi spectanda dedit.

Cranii

Cranii integumentis divisis, non multum lymphæ in membranâ Cellulosâ.

Pericranium facci in speciem elevatum, & ab ipsis *Cranii* ossibus separatum a subhærente lymphâ copiosâ subrubellâ.

Suture superiores *Cranii* omnes ad digitum transversum sesquialterum hiabant, hinc & levi negotio vacillantia ossa superiora omnia. Hiatus *Rhomboides*, (*Fontanellam* dicunt), multum callosus.

Sinus Longitudinalis *Duræ Matris*, nihil præternaturale in se habens, sed aliquanto amplior. Diductis aliquantum ossibus *Verticis*, & *Durâ Matre* prope *sinum Longitudinalem* leviter discissâ, eadem sub iisdem ossibus omnino lacera, destructa, & in pulpam conversa; verum & in omni sua plaga a reliquis superioribus ossibus *Cranii* sejuncta, & tantum per eorundem *Suturas* propaginum suarum auxilio cohærens cum *Periosteo* externo, sive *Pericranio*, itidem ab iisdem (uti modo dixi) separato, construebat pulchre quasi capsulas, e quibus ossa munda eximebam absque ulla sectione; quippe quæ nulla ex modo dictis membranis, sive *Periosteis*, nec *externo*, nec *interno*, i. e. *dura meninge*, vasa accipiebant visibilia, unde merito mirabamur justam eorundem magnitudinem pariter ac integritatem; quin & vasa perquam rara videbantur in ipsis illis *Meningibus*, si excipiatur exiguus tantum *Duræ Matris* locus valde inflammatus, cui non absimilis locus dabatur in parte ossis dicto loco accumbente.

Piam porro *Membranam* depresserat onus aliquot lymphæ librarum, quas determinare non valemus, quia idoneis ad ponderandum destituebamur instrumentis. Lymphæ autem hujus pars ob fissuras *Duræ Meningis* supra enarratas, & in ipsa ossium *Cranii* loculamenta, sive *Capsulas*, penetraverat. Prior autem membrana fere ubique naturaliter ipsi *Encephalo* contigua, & copiosis vasis sanguine boni coloris infarctis ornata; parva tamen ejus portio ab illo soluta sero illi cruento innatabat.

Cerebrum jam ipsum adeo ab alluente pondere deorsum detrusum, ut *Hemisphæriorum*, maxime simul *Emollitorum*,
con-

convexitate pectus datâ, altitudo eorundem in eodem plano horizonti parallelo, in quo *Callosum Corpus* ejus, repperiretur. Hemisphæriorum eorundem incisuræ externæ perquam erant altæ, quo evenit, ut eorundem anfractus, qui alias in Hydrocephalis internis evanescere solent, hîc contra magis conspicui, & mobiliore, intestina in Gyros convoluta accuratius, quam in sano cerebro, referrent. Cæterum de *Eminentis* internis, nec de Nervis *Cerebri* ob ejus molliem, aut potius conversionem in pulsem, distinctum quidpiam cerni aut dici poterat. Ad hæc, processus *Duræ Meningis Falci-formis* contumtus adeo, ut parva duntaxat ejus vestigia circa Frontis & Occipitii regionem imani superessent; & ipsi ejus processus *Transversales* (quos *Diaphragma Encephalicum* appellare Incomparabilis *H. Boerhavius* solebat) quasi elixi & excessi, aditum concesserant extravasato liquido in *Cameras Cerebelli*, cujus inde alter *Lobus* interne requisitam sanæ similem duritiem, bonumque Colorem, & habitum præ se ferebat; at externe de-coloratus *exceptâ* magnâ phlegmone pii involucris; alter vero *cerebelli Lobus* in pulpam conversus, & prorsus depravatus.

Thora-
cis &
ventris
Examen.

3. Thorace pertuso, exhibat cum sibilo mox aër multus; & in ejus cavis magna vis aderat subcruenti & tenuis liquoris. De cætero in hisce cavitatibus, quemadmodum & in Ventre, omnia viscera satis sana.

Hisce ita recognitis, quanta nascitur occasio multas de Vita, quæ in hoc infante etiamnum fuerat superstes, abolitis etsi in capite ejusdem, quoad externas saltem proprietates, omnibus Vitæ, præter *Cerebelli Loborum* alterum, qui plerumque in Hydrope Capitis interni, plus minusve illæsus deprehenditur, *Primariis Fontibus*, expromendi *Conjecturas*? At *Conjecturas* tantum, & non *certas Observationes*; Quamobrem, uti ego quidem opinor, præstabit cum *Nic. Tulpio* in *Obs. Med.* lib. i. c. xxiv. confugere ad ingenuum illud, *Quantum est Quod nescimus!* quam inani verborum sono tempus terere.

OBSERVATIO PATHOLOGICA TERTIA.

1. **M**ulier 50. annum agent, omnium sane pauperrimæ; *Hydrope* primò abdomen, deinde Extrema inferiora, *hydro-* in spe-
pe intumuerunt; in dies tumor iste multum increvit. Tan- cie fa-
dem Tincturâ, seminum *Fraxini* cum sp. *Juniperi* paratâ & natus.
adhibitâ, urinæ uberrimæ profluentes *hydrope* liberabant æ-
gram.

2. Aliquot autem menses post, eadem in pristinum subito Idem Re-
recidit *Hydropem*, & secundâ aut tertiâ inde septimanâ febre cidivus.
acutissimâ corripitur cum lancinantibus cruciatibus in abdo-
mine, qui brevi stipati fuerunt perfectâ *Ischuriâ*, intolerabi-
les anxietates inducente, & duos integros dies durante.

3. His elapsis, in humiliore regione *Hypogastricâ* abdomen Clauso
subitò expanditur, sed simul crepat ibidem parvâ rimâ, per urinæ
quam modica quantitas lymphæ fætidæ ilico emanavit cum exitu,
sensibili angoris & symptomatum febrilium levamine. Lym- Venter
pham autem ipsam ægrota, sub hac & sequentibus evacuatio- crepat,
nibus, ex odore & colore semper putabat esse *urinam*, sed & lym-
nunquam ad accuratius examen potuit in vas excipere, etiam pham e-
si per quatuordecim adhuc dies rimâ eâdem perseveraverit i- ructat.
dem profluxus, *diurno* quidem tempore *guttatim*, verum *no-*
cturno, quo omne etiam *Hypogastrium* sensim fiebat repletius,
circa statam horam *uberiori* copiâ; constrictione *meatûs urina-*
rii toto illo tempore pertinaci, & ne *guttam* quidem *urinæ*
transmittente.

4. Sed quemadmodum constrictione illa derepente nata erat, ita *Ischuria*
& post dictos dies quatuordecim inopinatò sublata fuit. Tunc sublata;
namque ægra validis nisibus ad mictionem agitata, non ita diu Peculia-
post urinam excernit; tumor ille *Hypogastrii* peculiaris, (3) qui ris tumor
ultra Genitalia antea multum propendens, & rariori specie deor- *Hypoga-*
strii.
sum sensim coangustata, in imâ sui parte, *vesicæ* quasi *urinariæ*
fundum subrotundum repræsentaverat, mox evanescit; ure-
F thra

thra ipsa per aliquod tempus inde aperta manet, & fissura *Hypogastrii* (3) coarctata lentè coalescit.

Prodi-
giosus
tumor
ventris
cum
multis
morbis
aliis; tan-
dem
mors.

5. Tumor interea *Abdominis* universi restitit, quin in dies postea excrevit; ut tandem, in altitudinem & longitudinem prodigiosè expansus, trium Ulnarum communium mensuram adæquaverit. Simul rediit deinde *Ischuria*, & continuata per multos dies, licet propter situm inexplebilem Cerevisiæ tenuis, vel limpidæ aquæ; profusam quantitatem miserrima potaret.

6. Toto hujus Morbi decursu, *Respiratione* molestissimâ, curtâque, & *Tussi* perpetuâ, ac profectò molestissimâ, nullis morem gerente remediis, vexata ægra; ab ingestis in *Ventriculum* interdum ad præsens suffocationis periculum, nunquam verò ad *Vomituritiones* vel *Vomitum* ipsos, deducta; & difficillimè semper in latus dextrum & in *Dorsum* decumbens; *Abdomine* tamen iterum multum detumescente, tandem tot ærumnis confecta, animam tranquillè efflavit.

Cadaver
sordidif-
mum.

7. Curiosus rimandi causas malorum præcipuas, ipso mortis die, cultro subjeci Cadaver, jam statim extrinsecus sordidissimâ suâ specie testatum ineffabiles misérias, quæ in pauperrimam hanc catervatim desævierant; Nam non modo *Pediculorum* adhuc-dum vegetorum millenis (tam enim incredibili illi nunc prodibant copiâ, ut tota *Defunctæ* facies sub iis tantum non sepulta esset,) esca viva & lenta fuerat; sed & circa *Genitalia*, & superiora *Femorum*, adeo sphacelo omnia corrupta, ut tam brevi post mortem ejus, vivi etiam vermes nunc jam proreperent.

Examen
abdomi-
nis.

8. Nec minus intrinsecus ærumnarum. Inflicto namque abdomini vulnere, mox pleno rivo multæ pintæ lymphæ subflavæ, & fætorem *urinosum* spargentis, pure autem nullo nec ichore inquinatæ, prorumpébant.

9. Aperto toto *Ventris* cavo, *Peritonæum* fere in omni plâgâ sui leviter inflammatum; Rima *Hypogastrii* (3) extrinsecus adhuc-dum conspicua, sed cicatrix intrinsecus nulla, nec in ipso *Peritonæo*, nec in *vesicâ*, licet & in anteriori & in superiori suâ sede ab investiente *Peritonæo* cautè a me denudatâ.

10. Hæc parva, & per *Ureterem* inflatum aërem cito ipsâ

Ure-

Urethra dimittens; nullam labem in cavo suo exhibuit. Verum, an & quid obicis fortè in ipsâ *Urethra* occultaretur, ne investigarem ulterius, immundities Genitalium absterruit.

11. Nec *Intestina* porro, nec *Mesenterium*, inflammatione, suppuratione, vel scirrhis vitiata. Sed priora fæcibus multis onerata, & variis in locis arcte contracta, at medio inter claudas extremitates spatio, solius aëris magnâ vi distensa. *Ventriculus* vacuus.

12. Sed rarius *Hepar*; mole id parvum, compactum, du-^{*Hepar*}rum, atque rigidum, in omni suâ, cum *gibbâ* tum *concaâ*,^{rigidum,} superficie, tuberibus, ex basi latiori & ipsi *Hepatis* substan-^{foris u-}tix insidenti, in apices obtusos & rotundos desinentibus, fere^{bique tu-}beribus contiguis, & solidis, inæquabile & asperum. Cujus figuræ^{asperum;} idea pulchrè obtinebitur, si imaginemur nobis *moli* v. g. *Ar-*^{intus ut-}*gillaceæ*, ab Artifice *Jecoris* in magnitudinem ac formam omni-^{cunque}no accommodatæ, globulos marmoreos, quales puerorum^{sanum.} lusibus communiter interserviunt, in maximâ diametro bipartitos, hac ipsâ diametro ad levem profunditatem per omnem^{molis} regionem extrinsecè, alterum proxime juxta alterum, infixos, & capitulis tantum suis ex superficie extuberantes.

13. *Jecinore* hoc deinde in portiones fisso, nullæ *Vomice*, aut *Scirrhi*, in interioribus ejus, sed prominentiæ illæ, modo dilucidatæ, intus levi incili, sive fissurâ, nullam tamen materiam continente, excavatæ.

Cystis fellea bile, quoad colorem & spissitudinem optimâ, referta, *sinu Hepatis* ipsi excipiendæ parato erat elapsa, quum & hic ipse prominentiis illis angustatus, & ferme esset deletus.

Ductus autem Choledochus in *Duodenum* intestinum pervius.

14. *Lien* volumine maximus, de cætero sanus. *Pancræas* totum quantum *scirrhusum*, lapideæ duritiei, lactei coloris. *Renes* nullo affectu depravati.

15. Partium *Genitalium* a consuetu situ error. *Uterus* scili-^{Partes} cet versus dextras remotus, unâ & elevatus, à summâ orâ *Genita-*^{les a situ} *Pelvis* abdominalis suffultus; *Ligamentis* ejus, *lato* & *rotundo*,^{aberran-} in hoc latere brevissimis, sed in opposito tanto magis exten-^{tes.} sis & laxis. *Tubæ Falloppianæ* dextræ pars princeps *pelvi* omnino

egressa cavitati anteriori ossis Ilium insidebat. *Uteri* cavitas magna, & repleta pituita tenaci vitrea, admixto cruore tinta. *Ovarium* exiguum & rugosum.

16. Nullum in *Pleura*, *Pericardio*, & *Pulmonibus* notatum vitium.

In corde calculo- 17. Sed in *Cordis Thalamo* sinistro circa *basin*, & supra Val-
culas *Mitrales*, nec non in latitudine *sinus venosi* itidem fini-
la promi- stri plus quam dimidia, assurgebat ordo, sive series, *calculorum*
nens se- majorum minorumque, colore subfuscorum; & duritiei sum-
ries. mae, juxta invicem dispositorum, & quasi inter sese mutuo-
articulatorum, qui, substantiae fibrosae partium illarum radi-
ces suas infixas habentes, velamentum earundem nervosum in-
ternum perforaverant, & intra cavum *sinus venosi* ejusdem
porrigebantur nudi, in cuspides acutas & inaequales terminati:
ita ut ad ipsum illum calculosum ordinem manus affricta sen-
sum, veluti si ad ordinem acutorum in lupo pisce dentium fri-
cicaretur, ferme referret.

Corolla- 18. An itaque Tussis adeo pertinaciter divexantis, & Re-
ria. spirationis laboriosissima (7), causa dici posset fuisse injectum
actioni *sinus venosi sinistri*, sanguinem e *Pulmonibus* reducem
in Cor sinistrum propellenti, atque adeo ipsi sanguinis per
Pulmones trajectui, impedimentum per lapideam illam rigi-
ditatem?

Quare decubitus, in latus *sinistrum* fuit Miseræ facillimus,
in *dextrum* difficillimus, quum interea onus morbosum (13)
in *dextro* habitaret *Hypochondrio*? Nunquam autem de molestiis
circa illud *Hypochondrium*, sed de profundius, & sub *Scrobicu-
lo cordis*, hærentibus fuerat conquesta. Nec ego in *Hypochon-
drio* illo dextro Viventis adhuc, & querula, tumorem aut pes-
culiarem duritiem ullam percipere unquam potueram.

OBSERVATIO ANATOMICA QUARTA.

De Ductu Thoracico.

Exilis & tenerrima, succum nutritium, ex esculentis potu Metho-
 lentisque in intestinis elaboratum, & a *vasis lacteis* ab- dus Du-
 sorptum, recipiens propemodum omnem, & sanguini affun- ctus
 dens, fistula, *Ductus Thoracicus* communiter (licet minus ap- Thora-
 tē aut propriē, quum tot per Thoracem *Ductus* diversi fe- cici in-
 runtur, qui pari jure idem nomen sibi vindicant) dictus, di illæsi
 omnium facillime, salvā prorsus integritate ejus, detegitur, si
 visceribus cunctis, cavo abdominali prudenter, præcipuē circa
centrum Mesenterii, evulsis, nec non unā cum illis *Rene* dex-
 tro, cum *capsula atrabilaria* sua, ab *Emulgentibus* vasis prope
sinum ejus rescisso, hiatus Capitiū mediorum *Diaphragma-*
tis, arteriam *aortam* *descendentem* transmittens, denudetur:
 & si deinde super hanc ipsam *aortam* *descendentem* mediam,
 eodem hiātu per altitudinem *Diaphragmatis* ampliato, ejus
 altera portio versus costas dextras, altera vero versus sinistras
 diducatur. Hoc itaque factō, & caput magnū dextrum-
 que *Diaphragmatis* ad extēmu n tendineum suū usque su-
 spensā manu leviter a vertebriis Lumbaribus, annexāque
 ipsi *aortā*, separando, eandemque aliquantū in sinistras re-
 trahendo, *Ductus Thoracici principium*, sive *cisterna Lumbaris*,
 vel aliis *Receptaculum Chyli*, sese a vicinā *membranā cellulosa*,
 colore suo candido, aut plerūque margaritaceo, sic satis
 distinguens, ilico nemini non in conspectum venit, cui vel
 semel antea illud ibidem demonstratum fuerit. Deinde, vul-
 neratā ibidem *Receptaculi* parte imā, aut reperto ibidem *va-*
se lacteo secundi generis majori, si lac aquā tepidā paululum di-
 lutum per illud in reliquū inde procedentem *Ductum Tho-*
racicum adigatur, & jam sic ille perpulchrē integer reperie-
 tur; si modo antea *Pulmones* ab *asperā arteriā* supra ejus *dicho-*
tomiam, & *Cor* a suis vasis non eminus a *basi*, prudenter abla-

ta fuerint; si & deinde omnia hæc, nonnihi elevando, fuerint a vertebra *dorsalibus*, a vena *sine pari*, & ab *Aortâ descendente*, nec non ab *Oesophago*, soluta. Tum enim reptatum ejus quemvis, sub membranâ *Pleurâ* transparentem, & inter ramos superiores *venæ cavæ* & *aortæ* hinc inde visibilem, haud ægre prudens culter omnino extricabit ad extremum ejus usque finem, quô in *venam subclaviam* inseritur sinistram. Quæ methodus sane optima nobis, & tutissima, atque expeditissima, visa est, quum in cadavere quocunque ope hujus, brevissimo temporis intervallo, *Ductus Thoracici* conspectus obtineatur, qui e contrario sine hac methodo inveniri, aut saltem illæsus exhiberi, sæpe non posset, quia ductus ille interdum a situ suo, in cavo dextro pectoris inter venam *sine pari* & inter *aortam descendentem*, aut aliquantum sub eadem, ordinarie fixo, & apud *Barthol.* in *Centur.* 1. *Obs. Hist.* 53. & 54. exactè, sed nitidius multò in *Imp. Anat. A. Cantii* delineato, mirè admodum abludit, aut & nonnunquam ad vertebra *dorsi Pulmo* vitiosè ipsi membranæ *Pleuræ*, quoad tenuitatem multum mutatae, stricte admodum accrevisse deprehenditur. Unde cum limitatione nonnullâ interpretandus venit modo citatus *A. Cantius* in *Imp. An.* pag. 25. docens „ in mediâ corporum vertebrarum *Thoracis* sede, medio inter venam *sine Pari* a dextris, & *aortam descendentem* a sinistris, loco, dari locum illum, ubi certissime in quocunque cadavere reperiri possit *Ductus Thoracicus*. „

Naturæ autem in his lusum triplex exemplum evidens commemorare liceat, & figurâ quodque suâ oculis exhibere.

F I G. 1.

Ductus
Thora-
cici lu-
sum
primus.

Hic ego, rarius Anatomicis occurrentem, *Thoracici Ductus* speciosissimam in Ramos divisionem, ejusque in latere *sinistro* decursum, quantâ possim curâ, delineabo e cadavere senili masculo.

Ad quartæ nimirum in isto vertebrae *Lumbaris* superioris regionem dextram, *Receptaculum Chyli* W. hærebat, quod in hoc

hoc cadavere verè *Receptaculum* erat, nullis quippe sepimen-
 tis interseptum, & adeo amplum ut digitum *auricularem* te-
 nuiores ferme admitteret. Ex hoc, longitudinem dimidiati
 Pollicis emenso, tres (ut plerumque duo vel tria hujus *Duc-
 tûs* principia inveniuntur) prodibant angustiores canales,
 membranâ *cellulosâ* mutuo juncti Q Q, quorum tertius duo-
 bus succumbens primò visum fugiebat. Ex illis brevi con-
 flatus unus Ductus O adscendebat in primam vertebra *Dor-
 si* inferiorem usque, inde aliquantum sinistrorsum in partem
 inferiorem vertebrae *dor-
 si* secundae reflexus, insolitam bifur-
 cationem M subibat, cujus alter ramus M. 2., post insi-
 gnem descensum ad angulum acutum relevatus, terminaba-
 tur in alterum bifurcationis hujus ramum M. 1. N. n. M. 3.,
 postquam hic Trunco eodem egressus, variè contortus M. 1.,
 & itidem notabiliter descendens N., sub incumbente *Aortâ de-
 scendente*, speciosissimè in 6 vel 7 furculos, eosdemque angustissi-
 mos, variis gyris flexos, & maximè inter se invicem implicatos,
 scissus n, iterumque ex iisdem confluentibus renatus M. 3., tan-
 dem sursum reclinatus, sub ipso Ductu Thoracico occultus oc-
 currebat (ut modo dixi) fini rami prioris M. 2.; Ex his igitur
 coeuntibus ramis restitutus *Ductus Thoracicus* L., quum dex-
 tram, sed jam superiorem, partem nuper dictae vertebrae secun-
 dae *dor-
 si* repertiisset, inde postliminio per eminentem faciem spi-
 nae *dor-
 si* primo assurgens, in sinistram cavitationem Thoracis
 deinde descendens aberravit arcûs specie L. D. K.; in cujus
 medio valde dilatato D. *Aneurisma* verum sese offerebat, (uti
 totum illum apparatus materiâ ceraceâ turgentem adhuc-
 dum mihi servo). Porro ex ejusdem arcûs cornu in laevâ par-
 te spinæ hærente sursum reflexus K., jam sinistram cavita-
 tem Thoracis tenens BBB ante *Radices* costarum, proximè
 juxta truncum Nervi *intercostalis* sinistri, porrectus, ad ver-
 tebram quartam *Dor-
 si* superiorem appellens, denuo tandem
 revolvebatur dextrorsum sub *Oesophagum* b., sed mox sub
 eo emergens A. petiit oblique sinistram *venam* subclaviam,
 cui infereretur. Latus autem Thoracis *dextrum* nullum tale
 hujus ductûs germen post ejus flexum in sinistras L. D. K.

accepit; quale, se, in Ductûs ejusdem in *levas* errore ita vidisse, benignissime mihi Vir Celeberrimus *B. S. Albinus* nuperime indicavit, ut tum *duo* hi quasi *Ductus Thoracici* tandem in *unum* confluerent. Quale quid & olim *Richard. Lowerus* dubio procul in hominis cadavere invenit. Verum haud sic communiter, ut, quod quotidianæ Dissectiones negant, summus Vir scribere debuerit in elegantissimo *tract. de Cord. C. v.* „ Quoniam autem sanguis, „ vitæque ipsa, à continuo recentis *Cbyli* influxu dependet, „ necesse est, ut *Cbylus* viâ liberâ, & apertâ semper in „ eum transcat, quare *Ductus Cbyliferi* per totum fere tra- „ ctum a receptaculo ad venam *subclaviam* usque, nisi prope „ cordis regionem, duo sunt, & instar scalæ latera mutuo „ communicant, non alium certe in finem, quam ut, si al- „ ter obstructus fuerit, *Cbylus* per alterum adscendat.

F I G. 2.

Ductûs
Thora-
cici lu-
sum se-
cundus.

Hâc repræsentò, uti in cadavere infantili deprehendi, *Ductum Cbyliferum* singulari modo in ramos diffusum, nec non venæ *azygos* insertum. Hic videlicet uno tantum ramo ortus *W*, nequaquam *receptaculi* quidpiam referenti, in latere *dextro*, inter venam *azygam* & *Aörtam Descendentem*, Thoracem transiens, tandem *sinistrorsum* reflexus duplici extremo *A*. in ipsam venam *jugularem internam* multum supra *valvulas* ejus *Semilunares* terminabatur. Sed mox post ejus in cavum Thoracis introitum sobolem emisit *R*. quæ *Aörtam Descendentem* suprascandens, & juxta latus ejusdem reflexa *Q*, varias sub eadem insulas formans *PPP*, & *Mæandrum* subtilem constituens, tandem in gyrum contorta *O*., sursum in *ductum Thoracicum* revertebatur. Porro Ductus ipse, quum ad superiora Thoracis appulisset, secundò ramum tenuem *B*. dimisit in sobolem *C*. venæ *azygæ* hue extraordinariè derivatam, quæ, a *dextris* Thoracis veniens *C*., sub *ductu Thoracico* in *sinistras* lata, recipiebat modo commemoratum ejus ramum *B*., deinde fissa in insulam *Rhom-*
boi-

boideam D recoalescebat, & longo satis itinere I sub Aortâ & *Ductu Thoracico* in truncum venæ *azygos* tandem desinebat K.

Quem haud vulgarem omnium horum tubulorum infesum materiâ ceraceâ sibi nitidissimè conditum & siccatum possidet amicus meus integerrimus *N. Lambergen*, M. Doctor Leovardiensis. Præterea Ductum hunc similiter in *Azygam* venam, & quod magis mireris, in eodem cadavere simul in venam *subclaviam* utramque, ut & in venam *cavam superiorem* & *inferiorem* patuisse, notavit *Kulmus*, uti videre est in amplissimo de *Thoracico Ductu* Tractatu in *Comment.* ab *Alb. Haller* in *Inst. Med. H. Boerb.* § 124.

Quum autem lac tepidâ dilutum in modo expositum *canalem Thoracicum* infernè immitterem, illud, quod peculiare visum fuit, non inferiorem R sed superiorem O aperturam rami O. Q. R. simul intrans, & per ejus plexus omnes P. P. P. divisum, per orificium inferius R in Ductûs Truncum redibat.

Contigit præterea, ut lac, quo *Thoracicus Ductus*, ramis superioribus *venæ cavæ* ligatis, turgebat, in Ramum C. D. *venæ sine pari*, atque deinde in eam venam ipsam, impulsus, & omnes *intercostales* ramos ejus præterlabens, tandem per ramum ejus M. T. T. (rarissime hac ratione desinentem) in venam *Emulgentem* sinistram X deductum; foras intra abdomen efflueret; verum nisi rami ejus *intercostales* sinistri E. F. obturarentur, & his præsertim effluxit. Uti in cadavere ipso omnia hæc Celeberrimo Viro, summe Anatomes perito, *D. H. Gaubio*, Præceptore meo nunquam non Honorando, exhibere me potuisse maximo mihi duco honori.

F I G. 3.

Hic denique prioribus duobus Tertiū adjiciendum mihi *Ductûs Thoracici* venit exemplum, nuper in prælectionibus publicis ab Anatomicorum Principe, Præceptore meo semper colendo, *B. S. suum Albino*, nobiscum in cadavere adulto communicatum. *Ductus tertius.* scil. *Thoracicus* duobus cruribus M. P. natus, principio
G qui-

quidem capiti magno dextroque Diaphragmatis & Aortæ trunco Descendenti, nec non deinde venæ azygos & eidem Arteriæ, haud insolita ratione, interjacebat, sed paulo post dextrorsum recurvatus, & transgressus modo dictam venam, denuo revolvebatur fursum F, & a latere dextro ejusdem venæ ad spatium quatuor ferme vertebrarum Dorsalium, super intercostales venas dextras c. c. c., ferebatur E. Hinc tandem in sinistras reversus D, sub ipsa vena azygos cursum suum intendit, ut, modo & via solitis, in venam subclaviam sinistram aperiretur.

OBSERVATIO ANATOMICA QUINTA.

Ex Puellâ trienni emaciatissimâ.

1. **I**n Cavitatibus, Abdominis, membranæ Pleuræ, Pericardii, & Cranii, multa aqua effusa.
2. In Rene sinistro duæ Pelves, intercedente Corticali substantiâ, plane discretæ, quarum altera, in superiori parte Renis recondita, papillas quatuor, altera vero, in demissiori ejus regione sita, tres tantummodo papillas recepit. Utraque autem Pelvis in suum Ureterem abibat, qui sibi quidem proximè adjacebant, sed dissociati per integrum suum descensum, duobus ostiis, amplitudine discrepantibus, atque se invicem quam proximè contingentibus, perforabant oblique Vesicam, usitato id cæterum more, & loco insertionis eorum sueto. Hinc admiratione prorsus dignum, quod aër flatu in Vesicam per dextrum Ureterem immissus, levi negotio in geminatum hunc Ureterem regurgitaret; dum contra in Ureterem simplicem dextri lateris ille nulla vi (uti mirifica Ureterum insertionis ratio semper id solet prohibere) ex Vesicâ reprimi posset. Quo accidit, ut Ureterem hunc posteriorem, aëre (ut omnia hæc præparata ficcarem) impulsio & ipsam vinctâ Urethrâ vesicam, & hinc geminos pariter alterius lateris Ureteres, eâdem operâ dilatare potuerim.

Ureteres
Gemini
ab ortu
suo ad
finem us-
que di-
stincti.

In Ure-
teres fla-
tus ex
vesicâ
regurgi-
tat.

OBSERVATIO ANATOMICA
S E X T A.

In muliere sexagenariâ viscerum abdominalium situs Naturalis absurde depravatus, ex corruptâ figurâ *trunci* corporis.

1. *Ventriculus* magnâ sui parte deorsum, & simul dextrorsum notabiliter detrusus, ita, ut infra umbilicum hærens, *fundo* suo ipsam mediam oram *pelvis ossæ* contingeret, & magnam sui partem intra cavum dextrum abdominis locaret. Hinc ejus forma etiam multum alterata & triangularis quasi fuit.

2. *Hepar* respectu corporis totius prægrande, ex *Hypochondrio* dextro deturbatum, cavitatis ossis *Ilium* partem prope modum tertiam occupaverat.

3. In *Lienis*, fere sub *lineam albam* abdominis detrusi, superficie exteriori erat a costâ, intrâ abdomen admodum protuberante, exsculpta profunde fovea.

4. *Intestinorum Gracilium* portio potior in cavum dextrum abdominis adacta.

5. *Principium Intestinorum Crassorum*, sive *Intestinum Magnum Cæcum* unâ cum processu *Vermiculari*, in superiori & anteriori regione cavitatis *Pelvis* extraordinariè insidens *Utero*, & *Alæ Vespertilionis* istius lateris.

6. *Intestinum Colon*, post flexum suum *Sigmoideum* primum, horizontaliter quidem per ventrem decurrebat usque in *sinistras*, sed inde postliminiò multum in *dextras* revertebatur, & tertio in *sinistras* iterum revolutum demum *pelvim* versus ducebatur.

OBSERVATIO ANATOMICA
S E P T I M A.

In Cadavere virili 46 annorum.

Situs *Coli* intestini hac ratione ab ordinario abludebat.

Colon transversim per abdomen sub *fundo Ventriculi* deductum, & *Splenem* jam contingens, inde per *Hypochondrium*

sinistrum adscendebat juxta latus *Ventriculi* sinistrum ad *Diaphragma* usque, & eidem membranaceis nexibus affigebatur prope foramen, per quod *Diaphragma Oesophagum* transmittit. Hinc iterum sinistrorsum inflexum per latus abdominis rectâ descendebat in cavum ossis *Ilium* usque, tum rursus dextrorsum recurvatum super *intestinis tenuibus* partem *fundi Ventriculi* sinistram petens, ibidemque in gyrum contortum, in saccum magnum erat dilatatum aëre & fæcibus siccissimis, & postremo retrorsus reclinatum, profundèque sub *gracilibus intestinis* se submergens, juxta latus corporum vertebrarum *lumborum* sinistrum in *pelvim* perveniebat.

Ex quibus collectu facile, quanta vis ipsius *intestini*, ut & vicinorum muscutorum, necessaria fuerit, ut excrementorum jam sicciorum pondus, per omnes has ambages intestini hujus, & toties contra leges gravitatis, in vita sursum propelleretur. Quamque turpe Medicis ejusmodi in casu imponere possint morbi, in eodem intestino *Colo* vere residentes, & ambientium interea viscerum labem mentientes.

OBSERVATIO ANATOMICA OCTAVA.

In Cadavere senis.

In arteriâ utriusque lateris *Carotide*, sive *Soporali*, *internâ*, insueta quoque intorsio nobis oblata; utraque enim illa, non longe a suo ex trunco communi arteriæ *Geminæ Soporali* adscensu, ad angulum acutum reflexa, per pollicare spatium descendebat, & inde denuo sursum ad angulum acutissimum revolvebatur, tum demum recto tramite foramen septimum *Cranii* in osse *Petroso* exsculptum ingressura. Singulorum autem angulorum illorum latera mutuo sociabantur ope tenuis *Cellulosæ* texturæ, uti hæc accurate satis ostendit *Figura IV.* Arteriarum *Carotidum* alteram materiâ, quam usitate vocant, *Ceraceâ* adimpletam, & naturali in situ siccatam.

E X.

EXPLICATIO FIGURARUM.

FIG. 1.

- A** Ductus Thoracicus sub Oesophago prodiens.
b Ejusdem revolutio sub eum.
B — Decursus juxta Radices costarum.
C C Portio Oesophagi.
D Ductus Thoracici decursus per Eminentia corpora vertebrarum; ejusdemque Aneurisma Verum.
d Lateralis ramus ex vasis Lymphaticis coeuntibus natus.
E Vena Azygos a Vena Cava Superiori rescissa.
FFFFF rami intercostales dextri.
ffff — finistri.
G Vena Azygos terminata in intercostalem ramum.
H H Ramus ejusdem tandem Ductum Thoracicum subiens.
I Ramus intercostalis ejusdem.
K Ductus Thoracicus in sinistra Cavitate Thoracis hærens.
L Idem in dextro Cavo ejus.
M Ejusdem divisio in duas fo-

- boles.
 1. Alterius convolutio.
 2. Alterius descensus.
 3. Surculus ex gyris abscedens sub ductu Thoracico ipso.
N Prioris lobolis reptatus.
n Ejusdem diffusio in ramusculos.
O Ductus Thoracici principiorum coalitus.
P Aortæ descendens Cæliacus ramus.
QQ Duo principia Ductus Thoracici.
RS Arteriæ Mesentericæ superiores, in hoc Cadavere geminæ.
T Utraque Arteria Emulgens.
V — — — — — Spermatica.
W Receptaculum chyli.
XXX Caput magnum dextrumque Diaphragmatis versus dextras inclinatum.
Y Arteria Mesenterica inferior.
Z Aortæ divisio in Iliaca vasa.

FIG. 2.

- A** Duo Extrema Ductus Thoracici.
B Ductus Thoracici ramus.
C Venæ Azygos ramus.
D Idem in duos fissus.
EF Duæ venæ intercostales finistræ.
G Vena Azygos a Vena Cava superiori rescissa; & multum ab Aortâ disjuncta in peripi-

- cuitatem majorem.
H Aorta descendens infra Angulum ejus amputata.
I Venæ Azygos ramus.
K Huius ortus.
LLLL Venæ intercostales dextræ.
ll — — — — — finistræ.
M Ramus Venæ Azygos sub Ductu Thoracico, & Aorta in-

incedens.
 NS Aorta hians ablatâ portione
 intermediâ.
 O Ramus Ductûs Thoracici
 convolutus.
 PPP Ejusdem variæ insulæ.
 P Ramus dexter Venæ Azygos.
 Q Ramus Ductûs Thoracici su-
 pra Aortam scandens.
 R Ejusdem ortus.
 S vid. N.
 TT Ramus sinister Venæ Azy-
 gos.

U Arteria Cæliaca.
 V Mesenterica superior Arteria.
 W Ductûs Thoracici princi-
 pium.
 X Vena Emulgens sinistra.
 Y Emulgens arteria dextra.
 y ——— sinistra.
 ZZZ Caput dextrum magnum-
 que Diaphragmatis in dex-
 tras retractum.
 a. Arteriæ spermaticæ.
 b Ren Sinister.

FIG. 3.

A Ductus Thoracicus.
 B Vena Azygos.
 C C C C Venæ intercostales
 dextra.
 c c c ——— sinistra.
 D Ductus Thoracicus sub vena
 Azygos.
 E ——— decurrens a late-
 re dextro Venæ Azygos.
 F ——— transgreditur ean-
 dem Venam.
 G Vena azygos bifariam scissa.
 H O Ejus ramus in sinistras ten-
 dens sub Aorta.

I Aortæ truncus descendens.
 K Cæliaca arteria.
 L Ductus Thoracicus.
 M P Ejusdem geminum prin-
 cipium.
 N Arteria Mesenterica superior.
 O vid. H.
 P vid. M.
 Q Emulgens arteria dextra.
 R ——— sinistra.
 S S T Caput Magnum & dex-
 trum diaphragmatis dextror-
 sum reflexum.

FIG. 4.

A. B. Truncus Carotidum com-
 munis convexus, quâ per ver-
 tebras colli in cadavere fereba-
 tur.
 B. Scissura ejus.
 C. Carotis externa.
 D. ——— interna.
 E. Eadem reflexa & descendens;

ubi simul in conspectum venit
 Membrana Cellulosa, latera an-
 guli, quem arteria hæc facit,
 connectens.

F. Ejusdem adscensus, iterum
 prioris E parieti accrescens Me-
 diante Cellulosâ Membranâ.

E L N I S

CLARISSIMO, ERUDITISSIMOQUE JUVENI

CORNELIO HENRICO VELSE,

In Celebri Academiâ Lugduni Batavorum
Medicinæ Candidato, salutem plurimam dicit

JOHANNES BARRET, Hibernus.

Carmina mea (Doctissime Juvenis) utinam nunc non prorsus ingrata en accipias. Ignoscas quæso, quòd gratam amicitiae memoriam omnibus propalare studerem præsertim cum de te studiisque tuis omnia bona sperare fas sit. Si quid in Anatomicis, in quibus semper cum cura versaris, tibi feliciter innotuerit, ut mihi literis mandare digneris iterum iterumque rogo: interea quæcunque tum Lutetiæ, tum Londini, in re Medica notatu dignissima observare mihi licuit quam primum patrios attigero fines tibi ingenuè communicabo. Vale, sodalium dilectissime, & scientiam Hippocraticam ulterius illustrare perge, memoriamque mei, jure tibi devinctissimi, fideliter serva.

Dabam Londini.

Pæonium celebrare decus, famamque perennem,
Carminum dum meditor, Phœboque patentia regna
(Munera chara Deum) juvenis nunc maxime, lætor
Eximium vidisse diem quo fata dederunt,
Humano generi tantam sperare salutem.
O mihi Pindarici faveant si carmine manes
Vel quæ sublatos cecinit vicina Cremonæ
Musa gemens agros, repetens tibi lætus honores,
Virtutesque tuas longum memorando per ævum,
Aggrederer numeris altæ tentamina famæ.

(a)

Divi-

Divinas qui tradit opes, cui maxima cura,
Tollere morborum causas, relevare jacentes,
Proximus ille Diis (penitus lætantibus ægris)
Discutiet morbos, instantia fata repellet;
Has tibi jam refero laudes, jam tempora lauro
FronDESCunt meritâ, Batavis nec deërit alter
Boerhavius, clare sequeris quem passibus æquis
Tractatusque senis verbis animoque revolvīs.
En opus egregiâ peragis quod pingitur arte
Quæsitum studiis tanto molimine rerum:
Alternis vicibus vitalia flumina currunt,
Te duce, te rapidi justo moderamine rivi.
Exhalans animam Pulmonibus ante laborans
Sanatus miserum didicit meminisse dolorem:
Languentes fibras aurito pollice tangis,
Laxatas tendis, tensas medicamine laxas.
Corporis Humani solers penetralia lustras,
Injiciendo facis truncos fruticare lacertis:
Olim Newtonus radio sic attigit astra,
Eminus aspiciens, nigra caligine mersas
Eduxit stellas, stellarum lucidus ordo
Emicat, optatum Nautis diffundere lumen;
Haud aliter Patriæ memorem te sæpe juvabit,
Morborum sævas referare levamine causas,
Invalidas vitæ vires, rivosque fluentes,
Undique quos retinent penitus cingentia claustra.
En Haga te quærit, Rhenus tibi limpidus amnis
Flumine cæruleo lætos largitur honores.
Felices Batavi! Felicia tempora! quæ te
Constituunt Medicum miseris adhibere medelam.

AGNATUS DILECTISSIMO AGNATO

CORNELIO HENRICO
VELSE,

DOCTORALEM MEDICINÆ LAUREAM
GRATULOR

CORNELIUS JOANNES VELSE!

Th. Stud.

Ὁ Βίος βραχύς. ἢ ὅ τεχνὴ μακρὴ. Hippocr. Aphor. I.

Festina lente. Suet. in Aug.

Multa mihi quamvis suadere silentia possint,
Nec temere sacras sollicitare fides.

Post tria lustra cui vix quintus labitur annus,
Nec cui, ut Nasoni, carmina sponte fluunt.

Qui bene cognovit, quam sit sibi curta supellex,
Causa sibi justis materiesque metus.

Cui quoque, dum nupero oppressum se vulnere sentit,
Ante fuit si quis, nunc vigor omnis abest.

Cui nec sufficiant optatae plena quietis

Otia, Castaliis otia grata novem.

Seria quem teneant multo graviora, canendo

Quæ nullum faciunt semper avara locum.

Cui bene sunt noti, audacis quos gloria cœpti

Traxerit in pœnas ambitiosa graves.

Pœnituit miseros quos sero: tumentibus ausis

Præcipites casu dum cecidere gravi.

Omnia quæ possint merito percellere mentem,

Vultum ne prodant nostra Thalia suum.

(a) 2

Er-

Ergone nunc fileam? non te testudo sonabit?

Atque edent nullum plectra canora sonum?

Argutâ dum alii Musam meditantur avenâ,

Spectator solus desidiosus ero?

Læter honoratum cum pulcre cernere amicum,

Quem mihi sincerus tam bene jungit amor.

Est mihi nempe moras jubeat quod rumpere segnes:

Melpomenes moniti nunc meminisse juvat.

Somnia quod nuper meditantî Diva ferebat,

Defunctum cecinit cum mea Musa senem.

Scilicet & studiis dantur nunc otia nostris,

Laxaturque arcus, qui modo tensus erat.

Nec tantum hoc: suadent quod quædam scribere: verum

Tempore tam festo turpe silere putem.

Hoc Lauri vetuere: vetat hoc Cyrrhæus Apollo:

Discipulo gaudens hoc Medicina vetat.

Nec patitur qui nos conjungit fœdere sanguis

Arcto, nec pietas officiumque finit.

Nec finit hoc probitas, placidique in pectore mores,

Non finit hoc mutuus tam bene castus amor.

Fas ergo fuerit testari gaudia cantu

Fausto, & lætitiâ, dulcis Amice, meam!

Et mihi languenti surgant in carmina vires!

Ingeniumque tibi serviat omne meum!

Offerat & tenues Elegos pudibunda Thalia!

Quales exigui pectoris esse queant.

Ergo manu tendenda chelys; nunc spiritus afflet

Ætherius, castas efficiatque fides!

Nec me laudantem spectata modestia ferret;

Nec tales artes mens generosa capit.

Hoc faciant Populi, instantis quos verba Tyranni

Submissos faciunt, collaque docta jugum.

Non Batavi, decusso felici omine quondam

Indociles dudum subdere collo iugo.

Non ego, qui, Batavo Batavus de sanguine natus,

Turpiter haud didici byssina verba loqui.

Hæc alios teneat vilissima cura: decentes

Suggere tu vati Musa benigna modos!

Debe-

Deberent etenim sine te mea plectra tacere,
Cogerer officio sicque deesse meo.
Immemorem tum prisca domus clamaverit eheu,
Oblitumque boni Jura sodalitii!
Quo licuit gaudere diu, vellemque liceret
Tam dulci focio tempus in omne frui!
Hæc est illa domus, prisca miranda figurâ,
Olim Virginibus rite dicata piis.
Unâ cum reliquis Templo prioribus, in quo
Consuebat multas fundere turba preces.
Sed, postquam rerum facies mutata sacrarum,
Ufibus hoc aliis rite vacare solet.
Scilicet hic supra innumeris celeberrima chartis
Impressisque libris Bibliotheca patet.
Infra etiam exercet doctas Anatomia dextras,
Atque Ars ingenium nata polire bene.
Hic quoque Religio sedem tenet: Anglica nempe
Concio sollennes fœvit habere preces.
Vicinâ in cuius fertur Boerhavius ingens
Principium studii deposuisse sui.
In quâ tres annos licuit spectasse labores
Herculeos, juveni qui mihi calcar erant.
Hic non cura fuit titubantes ponere gressus,
Nec vires hausto sollicitare mero.
Nec fabulis rapidas nunc fallere inanibus horas,
Sed studiis junctas confociare manus.
Quam crebro hic miseros habui, dixique Medentes!
Quos cunctis major sollicitudo premat.
Dum vidi summas quærendi corpora curas,
Non sine sollicito repperiunda metu.
Intempestivâ vidi dum corpora nocte
Inferri nostris ædibus, empta stipe.
Quæ nimium ah tenuis lucri dulcedine capti,
Affines miseri vendere sæpe solent.
Quæ nunc arcta viæ per compita multa trahebant,
Portabant humeris nunc leviora suis.
Qui proprios timuere sonos, formidine pressi,
Vicinos faceret ne vigilare tremor.

Quæ

Quæ ne forte nimis premeret formido gerentes,
Limina tutabar janitor ipse domus.
Et simul arrectas tetigit sonus altior aures,
Introitum lætis porta reclusa dabat.
Hæc simul intrârant, sensere recentia promptum
Protinus officium, Culter acute, tuum.
Hæc indefessus noctesque diesque secabas,
Expertus studium vincere cuncta vigil,
Summum sæpe ad mane, redux Matuta pararet
Ore rubente bonum quum referare diem.
Alterius caput hic, dum nuda hic ossa jacebant,
Multa quoque ex longo squallida facta situ.
Plurima membra igni dum fervens olla tenebat,
Exibant tandem quæ bene cocta foras.
Committebantur gelidis dum plurima lymphis,
Omnigenis succis evacuanda bene.
Putrida quæ postquam his longe submersa fuissent,
Extollebantur purificata probe.
Hinc odor haud talis, qualem Panchæa dedisse
Thura ferunt, sacris Thura cremata focis,
Nec talis, quam qui angustas impleverit ædes,
Unxit quis Christum casta Maria suum.
Bethaniæ ad mensam, Paschâ adventante, sedentem
Cum Lazaro, fuerat reddita vita cui.
Putribus at qualis semper rebusque, locisque
Fœdus, & ingratus suevit adesse comes,
Sed funestus odor, tetrumque per aëra virus
Implebant totam, vix toleranda, domum.
Cui tu assuetus eras adeo, sentire mephitin
Ne posset sævam jam stupefactus odor.
Naribus hic quamvis intrantes undique clausis
Efficeret subitos sæpe referre gradus.
Et quamvis contra vires munire veneni
Plurima tentarint Pharmaca mixta tibi,
Non impune tamen durasti, Chære, labores,
Corripuit sed te febris anhela quoque,
Quæ postquam graciles paulum depaverat artus,
Herbæ multiplicis pulsa potentis ope est.

Non

Non tamen hæc, nisi post studiis, Henrice, laborem
Severe adhibitum Praxeos, & reliquis.
Longam artem, vitamque brevem Tu nempe sciebas,
Festinans, lento sed tamen usque pede.
Dumque alii minuunt fugientis tempora vitæ
Fortiter immensos evacuando scyphos.
Dumque aliis lubet securo pectore somnos
Ducere, & in multum continuare diem,
Tu, quæ vel propriæ dederat sollertia dextræ,
Eöæ aut dederant Hesperiaeve plagæ,
Lustrabas oculo vigil, atque attentus, acuto,
Miræque lustrabas qualiacumque sagax.
Quorum multa tuas ornant abscondita gazas,
Quæ licuit cupidâ sæpe tenere manu.
Teque, ad monstrandum facilem, rogitare quid esset,
Ferre & responsum, dulcis Amice, tuum.
Quantus compellare ægros, & visere quantus
Ardor erat? Medicis & comes ire bonis.
Omine felici multos relevare jacentes
Plus semel ex voto contigit, atque prece.
A quîs quod longos potuisti pellere morbos,
Auxiliatricis hoc fuit artis opus.
Omnia quæ suadent bene te sperare: canentem
Quæque jubent votis omina læta sequi.
Nec te sumta humeris provincia plena laboris,
Terreat: auctorem mens habet ista Deum.
Adde, quod & studiis pulcre innutritus honestis,
Non infueta novus miles ad arma venis.
Perge bonis avibus crescentia vota bonorum
Implere, & certam spem dare perge tui!
Otia tu cupies, sed honesta, & amica labori,
Præmia cultori quæ sua sponte dabunt.
Auguror? an nostram ludunt mala somnia mentem?
Sentiet officium Haga polita tuum.
Auguror? an video miseros concurrere, quorum
Turba ingens Medici cingat utrumque latus.
Ominor! a lætis pendebit maxima dictis
Turba, tuam quondam maxima poscet opem.

Forſan

Forſan & audebis (niſi fallunt omnia mentem)
 Condere quod multis jure placere queat.
 Aut aliquid proprii meditaſeris ipſe laboris,
 Cujus hæc ſpecimen pagina pauca dedit.
 Nunc tantum liceat pauciſſima fundere vota,
 Quæ teſtes animi ſint tibi, Care, mei.
 Det Deus, ut vitæ bene felix tempora degas!
 Et ſubeat velis aura ſecunda tuis!
 Lauſque Machaönii ſis Tu certiſſima cœtus!
 Et veniat capiti gloria rara tuo!
 Et geminos faciat longum ſuperelle Parentes!
 Et fervet Fratres, pignora cara, tuos!
 Et faciat, te digna, genas ſuffuſa rubore,
 In thalamum veniat caſta Puella tuum!
 Quæ tecum, juncto ſociali fœdere, conjux
 Expleat extentos, & ſine fine, dies!
 Perpetuentque domum, cariſſima pignora, Nati!
 Quos Numen faciat tempus in omne ſuos!
 (Tunc ego, nunc tenui cårmen modulatus avenâ,
 Elicerem Clarias in nova vota Deas.)
 Detque tibi ſacro longævæ jure Senectæ,
 Virtutis quæ fit pulcra corona, frui!
 Denique tot toto voveo tibi pectore læta,
 Quot ſunt cæruleo fidera celſa Polo!
 Et quum tempus erit certis concedere fatiſ,
 Tranſlatum alloquio te beët uſque ſuo!
 Leydenſes ergo cum ſtet liquiſſe Penates,
 Et tandem patrios nunc remeare lares,
 Tu, quæ præcipiti jam jam pia cårmina pennâ
 Scripſimus, ingenii munera parva mei,
 Suſcipe, meque tuum memori dum mente recondas,
 Hæc ſint abſentis pignus, & arrha mei,
 Sæpius at liceat fidam contingere dextram,
 Et læto detur dicere, lætus Aye!

Φιλίππος ἔνεκεν ἐκβολῆς, ἀνάγκης ᾗ ταχέως.

Der Muth , die Munterkeit , der unermüdete Fleis
Die dich mein Werther Freund und deinen Geist bewegen ,
Ein jedes giebet Dir den wohlverdienten Preis ,
Und trägt Dir heut den Schmuk der Würdigen entgegen.
So recht ! was du erlernt dein trefliches Geschicke
Verdient gewis vor sich der weisen Musen Gunst ,
Und diese zeigen dir allerreinsten Blicke ,
Wiel Ihnen deine Schrift bekräftigt deine Kunst.

Nun folg der Vater - Stadt die dir so liebeich winckt
Dem Wunsch der Leidenden mit Klugheit vorzustehen ,
Wo bald ein schwaches Hertz dir in die Arme sinckt ,
Weil seine kräfte Ihm der Lauf des bluts entgehen ,
Und bald die heftigsten und ungezähmten triebe
Des Leibes schwachen bau die stärcksten Henker seyn.
Glück zu ! Dir folge stets Minervens treue Liebe ,
Und drücke Deine Treu auch andrer Hertzen ein.

Mit diesen wenigen bezeuget seine
Hochachtung , und wünschet von
Hertzen alles Glück und Wohlergehen

B. LIEBERKÜHN,

Med. C.

K L I N K - D I C H T
T E R
V E R K I E Z I N G E
V A N D E N H E E R E
CORNELIS HENRIK VELSE,
T O T
D E R M E D I C Y N E N D O K T E R.

Een andre Waereld legt ô VELSE voor u open,
Als gy Natuurs geheim in 't lichaam gade slaat,
En door Ontleedkunst, die op kopren' voeten staat,
Ons toont wat heils 'er van uw' arbeid is te hopen.

Kon 's menschen nut zoo zeer uw' geest en yver nopen,
Om te onderzoeken wat ervaren' Heelkunst baat,
Wat kruidery men vind tot 's kranken toeverlaat,
Wat 't waggelend leven stut, door ziekte en pyn bekropen!

Uw kunst-trezoor is ons een blyk van uwe vlyt;
Uwe ondervinding strekt aan veele tot verwyt,
Wien't leezen van deez' blaên het aanzicht moet doen bloozen.

Van uwe weetenschap getuige dit geschrift.
Volhard dan in dit werk met uw' begonnen' drift.
Op zulke doornen vind men de aangenaamste roozen.

J. F. PARVÉ.
J. U. Cand.

OP HET
INHULDIGEN
VAN DEN HEERE
KORNELIS HENRIK VELSE

TOT DOKTER DER GENEESKUNST.

Wie voert my thans daer frissche lauren groeien ;
Parnassus bronkristal
Al klatrend vormt, in 't schichtigh nedervloeien,
Een' schuinsen waterval?
Wie helpt my braefft den schrandren VELSE kroonen,
Met loof, dat nooit verdort,
Nu, op 't gejuich van Febus wakkre zoonen,
Hy ingehuldigt wort?
Hem zagh de Ryn in 't perk der lettren rennen:
Hem, yvrigh en vol vier,
De steilste vlucht der Hippokraetsche pennen
Naeroogen op papier.
Geen Attisch zout, geen kracht ontbreekt van reden
Zyn tong zelfs, die, zoo wis,
Den aert, hoe vreemt, der quaelen weet t' ontleden;
Ook door ervaerenis.

Met

Met welk een drift , bestiert van zyn Vezalen,
Doorzocht, op hun bevel,
Dit kloek Vernuft, van gissen schuw en dwalen,
Het menschelyk gestel!
'k Herdenk met lust, hoe my 't gezicht kon streelen
Van 't geen, door hem bereit,
Den mensch ontdekt in al de wondre deelen,
Ons lichaem toegeleit.
Voorts nam zyn geest, om ruimer nogh te weiden,
Den kruithof ook te baet;
Of onderzocht, wat hantgreep zich op 't scheiden
Der stoffen best verstaet.
Zoo slaeft de vlyt, die d' oorzaak veeler dingen
Op 't naeuft t' ontdekken tracht,
Waer ooit de loop der letteroeffeningen
Met luister wort volbragt.
Nu geeft de School bewys door bul en zegel,
Hoe zich haer liefeling queet;
En noopt de jeugt, om naer dien zelfden regel
Te wandlen, ver van leet.
Begaefde Heer, wy groeten u, en wenschen
U, in uw eedle kunst,
Die 't krankbedt troost, en 't leven stut der menschen,
Des Hemels milde gunst.